

## Uqalhich Aglaanji Mark-ñum

*John Paptaaqtitchiri Quliaqtuaqaġniqsuq*

<sup>1</sup> Uvvauna tusaayugaallauturuq Jesus Christ-kun, iġñinjagun Agaayyutim. <sup>2</sup> Agaayyutim uqautaa aglausimaruq sivuniksriqirkun Isaiah-kun, itna,

“Atanji, tuyuġigisigiga uqqiraqtiga sivupni  
itqanaiyautitqulugu tumiksran sivunnapni.”

<sup>3</sup> “Iñuk tuqliraqtuq iñuiļaamiñ:  
Itqanaiyautisiuŋ apqutiksraŋa Atanġum,  
nalġuġlugu tumiksraŋa!” *Isaiah 40:3*

<sup>4</sup> Atuumasimaruq taatnatun, John Paptaaqtitchiri quliaqtuaqami iñuñun iñuiļaami itnaqħuni, “Paptaaqtillus i mumiċċaq ġusi killuqsautipsitniñ Agaayyutimli natqigutigisigai killuqsautisi.”

<sup>5</sup> Iñugiaktuat iñuich aggiumauraġniqsut ilaanun nakikħapayaaq Judea-miñ suli Jerusalem-miñ. Quliaġimatigik killuqsautitiŋ John-ñum paptaağniġai kuuñmi taggisiqaqtuami Jordan-mik. <sup>6</sup> John atnuġaqaġniqsuq pikukturuam amianik, qisijmk tapsiqaqħunilu, niqiqaqħunilu pigligjanik suli igutchaich siġġnaqtalliajtñik nanipayaaq paqitnami. <sup>7</sup> Quliaqtuaqtuq,

“Añunimma tikiumagisiruq kamanatluktuaq uvañjniñ, aasiiñ sinjiłguyumiñaitchuñaunniñ aluġutiżżejjik. <sup>8</sup> Aa, ilumutun paptaağaluägħipsi imikun, aglaan ilaan paptaağisigaasi Ipqitchuakun Irrutchikun,” itnaqħuni.

*Jesus Paptaakkaupman Añiqusaaqsiupluni*

**9** Taipkunani uvluni Jesus aggiğñiqsuq Nazareth-miň Galilee-miittuami. John-ŋum paptaağnígaa Jordan-mi. **10** Jesus-ŋum qakipqauraqami imiğmiň tautuňniğaa qılık aňmaqman. Agaayyutim Irrusia atqaqhuni miňňiqsuq ilaanun tiňmiağruuratuń. **11** Nipi tusaǵnağníqsuq pakmaknja, “Ilvich piqpagi-plutin Iğñiğigkipiň, quyalimaágikma.”

**12** Taraknatarra Ipqitchuam Irrutchim aullaqtin-iğaa iňuiłaamun. **13** Taavani iňuiłaami inniqliq-suq malgukipiaq uvluni, aasiiň tuunǵaum uuktual-lanjiğaa. Nayuutiniqsuq iňuiłaam niğrutaiňi, aasiiň isaǵulgich savautityaağníǵaat.

### *Jesus Tuqluǵniqsuq Sisamanik Iqalunıniaqtinik*

**14** Taipkunani uvluni Herod-ŋum, umi-alguruam, John tiguplugu isiğniğaa. Jesus utlautiniqsuq Galilee-mun quliaqtuaqhuni tusaayugaajanik Agaayyutim. **15** Nipliğñiqsuq, “Pakma aňaayuqautaa Agaayyutim qallipluni atuumaaqsiруq. Isummitqigitchi ukpiǵilugulu tusaayugaágiksuaq.”

**16** Uvvaasiiň Jesus pisuktualgitluni siňaagun narvańjan Galilee-m, tautuňniğik aniqatigiik, Simon-lu Andrew-lu, kuvriğñiağníqsuak narvami, iqalunıniaqtauplutik. **17** Jesus-ŋum nipliutigik, “Maliksiknja. Uvakjaniňaglaan piňňaajanıaǵisirutik iňuňnik aqaluňniaqtitun.” **18** Tarvauvaa uniňňiğinik kuvraqikkatik maliaqsipluguasiň.

**19** Taraknatarra Jesus pisuktuallaallakhuni tautukkik aniqatigiik, James-lu John-lu, iğñak Zebedee-m, kuvriúğniqsuak umiağmikni. **20** Jesus-ŋum tautupqauraqamigik tuqluǵniğik. Unisiǵaaktarra aapagikkaqtik Zebedee

akiññakniaqtuanun savaktaiñun umiami,  
maliaqsipługuasiñ Jesus.

### *Iñuk Irrusiqłulik*

**21** Tikitñamiñ Capernaum-mun minguiqsiagvium uvluani Jesus katrağviatnuktiñiqsug ilisautriaqsipluniñ. **22** Katimaruat aari-gaağusunñiqsut ilisauttutaiñik atakkii ilisautripluni aŋalatchiliqaqtuatun, atlakaupluni ukunakŋa aglaliqiriniñ. **23** Jew-ñuruat katrağviatni piqañiqsug irrusiqłuliniñmik nipliaruamik, **24** “Ilaksianatigut. Jesus Nazareth-miu, suniaqpisigut? Uvuŋjaqpich piyaqquġukhuta? Naluŋitchiga kisuutilaan, ipqitchuaŋjurutin Agaayyutim tuyugikkaña.” **25** Jesus-ñum tarra tiliñigaa irrusiqłuk itnaqługu, “Qiñuisaagiñ! Anilutinaasii aŋutmiñ!” **26** Irrusiqłuum iñukniaq nagliksaaqtituullaŋniñ qiiqsrūqmatununniiñ iğialapkaqpauraqlugu uniksaqamiñ. **27** Iluqatinj tautuktuat taavrumiñja quvígutchakpagitłutinj apiqsrūqtuutiaqsiñiqsut avatmun, “Qanusiuniqpa una? Qanusiuniqpa nutaaq ilisauktun? Una aŋun aŋalatchiliqaqhuni tilitłaniñgai irrusiqłuich, aasii ilinisa tupigitlaniñaat.” **28** Qilamik tavra siaminniñiqsug taamna atuumaruaq nunaaqkipayaanun Galilee-mi.

### *Jesus Mamititchiñiqsug Iñugiaktuanik Iñuŋnik*

**29** Anikamiñ Jew-ñuruat katrağviatniñ tupqatnuŋniqssut Simon-kutlu Andrew-tkutlu, piqatigiplugin James-lu John-lu. **30** Simon-ñum aakaruaja nalaniñiqsug uunaqlukhuni. Jesus tikipqauraqman uqautiniñaat atniğñağniplugu. **31** Utlakługu aqnaq tiguniñgaa argaigun

makititlugu, aasiiñ uunaqłunğıqsıqhuni. Tavra niqlıuğutiaqsiñigai. <sup>32</sup> Minguiqsıağvium uvluu nuñitman, unnuksraakun siqiñiq nipiānikhuni, iñuich tikiutriñiqsut ilaanun tamatkuniňa atniğňautiliňik atlakaagiiňik suli irrusiqłuňnik. <sup>33</sup> Iluqatin nunaaqqim iñuich katiniqsut taavruma tupqum sivuğaanun. <sup>34</sup> Jesus mamititchiñiqsuq iñugiaktuanik atniğňautiqaqtuanik atlakaagiiňik suli anipkaipluni iñugiaktuanik irrusiqłuňnik. Ilaan irrusiqłuich nipliqaňiñiňgai atakkii ilisimaniňaat kisuutilaaňa.

### *Jesus Quliaqtuaağniqsuq Galilee-mi*

<sup>35</sup> Uvlaatchaurami qaugaluaq nagu Jesus aullağniqsuq nunaaqqimiñ iñuiňamun. Tavrani agaayuniqsuq. <sup>36</sup> Simon-ŋum piqasiqhuni piqatmiňik pakaqsiñigaa. <sup>37</sup> Paqitnamitruňaasiiñ nipliutiplugu, "Iluqatin iñuich qiňigukkaatin." <sup>38</sup> Aglaan Jesus-ŋum kiuniňgai, "Aullaqtuk-saurugut atlamuń nunaaqqimun. Uvaňali quliaqtuaağumaňa taamani atakkii piqutigiplugu agiqaqsanjuňa." <sup>39</sup> Tarra ilaa quliaqtuaqtuq katrağvinjitiňi iluqaańi Galilee-mi, anipkaipluniňu irrusiqłuňnik.

### *Jesus Mamititchiñiqsuq Auyugaqtualıňmik*

<sup>40</sup> Tarrasuli una auyugaqtualik tikiumaniqsuq Jesus-mun sitquqhuniasii iňiqsruqługu ikayuqupluni, "Ilvich pisuksiňaguvich mamitiňhiňaugikma." <sup>41</sup> Jesus ilunňutchaňniqsuq, isakługich argagikkani aksikługuasiiň. Nipliutiniňgaa, "Pisugaağluňa, mamititqugikpiň." <sup>42</sup> Jesus nipliğluqqaaqtuq taavrumiňa, taamna tavrakňatchiaq iluaqsiruq auyugaqtuaağmiňiň. <sup>43</sup> Tarra Jesus-ŋum

taamna aŋun aullaqtitkaluaqnagu iñiqtigñigaa,  
 44 “Uqautiniaqnagu kiñaunniiñ aglaan  
 agaayuliqsimugutin, qiniqtitchumigiñ iluaqsiłhiñ  
 ilaanun. Aatchuutiymautin tunillautinik  
 Agaayyutmun tuvrağlugu Moses-ŋum  
 tillisigikkanja mamititkaatinkii. Taatnağuvich  
 iñupayaam ilitchuginiqaa mamitilaan.” 45 Aglaan  
 taamna aŋun aullaqami uqallaqaqsiniqsuq  
 atqunallapiaq siamtlugu mamitikkaułli.  
 Taatnaqhuni Jesus isitqilguiñniqsuq nunaaqqiñun,  
 aglaan aullağniqsuq iñuilaamun, iñuichaasiñ  
 utlaağaaqsiplugu nakitŋapayaaq.

## 2

### *Jesus Mamititchiñiqliqsuq Aŋutmiq Aulat-* *laitchuamik*

<sup>1</sup> Kiŋuagun ikituurat uvlut Jesus utitqiñniqsuq Capernaum-mun. Iñupayaat uqaaqsiñiqliq suat aiñiplugu. <sup>2</sup> Iñugiaktuat kativagitlutiŋ tavruŋa iniksraigutiniqsuat tupqum iluani naagaunniiñ paam silataani. Jesus-ŋum quliaqtuağutiniğai Agaayyutim uqałhanik. <sup>3</sup> Tarra sisamat iñuich tavruŋautriñniqsuat aulatlailaa mik iñuŋmik. <sup>4</sup> Qalligaluaqhutin tikilguiñniqaaat Jesus iñugiakpagitlutiŋ iñuich. Tavra aŋmaqlugu tupqum qilaŋa atqaqtinniğaaat taamna aulatlailaq qaatchiaqtuummaan. <sup>5</sup> Jesus-ŋum ilitchuqliqamiuŋ ukpiqsrisiqaqtillaanjat, nipliutiniğaa aulatlailaq, “Nukatpiaq, killuqsa tipnik natqigutigikpiñ.” <sup>6</sup> Ilanich aglaliqirit aqappiruat tamaani isummatiqağniqsuat itna, <sup>7</sup> “Suvaata una uqaqpa Agaayyutin? Taamna uqağniqłuktauruq.

Agaayyun kisimi natqigutritlaruq killuqsautinik!”  
 8 Jesus-ηum irrutchiğmigun kañiqsiağiliqamigich uqapılıħat, nipliutlıgnıgai, “Suvaata uqapılıukpisi isummatipsigun? 9 Qanuq una nipliutitquvisiuŋ aulatlailaq, ‘Killuqsautipnik natqigutigikpiñ’ naagaqaa nipliutilħanik, ‘Makillutin, uqummatitin tigulugich pisugiñ?’ Nalliaq qaġanatlukpa? 10 Aglaan iļitchuġitqugipsi Iğñiñjan Anjutim aŋalatchiħiqliqalħanik maani nunami natqigutritłapluni killuqsautinik.” Tavrani nipliutigaa aulatlailaq, 11 “Tiligidikpiñ, ‘Makillutin, tigulugu qaatchian aggiñ! ’” 12 Tavrakħatchiaq taamna anjun makitiqtuq. Tiguplugu qaatchiani aullaġniqsuq nakuqsipqauraqami. Qiñiqtuapayaat taavrumiņa quviġutchaħniqsut. Kamasru-aqsiñigaat Agaayyun, “Tautungańiċiħugħut taatnatchimik,” itnaqħutin.

### *Jesus Piksraġniqsuq Levi-mik*

13 Jesus taivrumuħalgiñniqsuq siñaanun naranjan Galilee-m aasii katirviginigaat iñugaagħruich. Ilħan il-ħisautiaqsiñiġi. 14 Tamaani apqusaaqami tautuñiġaa Levi, iġñiġikknejha Alphaeus-ηum aquppiruaq savaaġmiñi manniqipluni. Tavra Jesus-ηum nipliutipmani itna, “Malixja,” taavruma makitluni maliutliġiġaa.

15 Aasiñ taavruma aquagun Jesus niġiñiqsuq tupqani Levi-ηum. Iñħugiaktuat tax-siliqiritlu atlat killuliqiritlu aquppiqatiginigaich Jesus-ηumlu maliguaqtaħni. Tamatkua iluqatiż maliaqqsipmiñiġa. 16 Agħaliqirit suli Phariseenruuat tautuñiġaat niġiqatiqaqlugu tax-siliqirinik suli killuliqirinik. Taapkua nipliutigaich

maliġuaqtai, “Suvaata ilaa niġiqatauva suli imiqatauva tax-siliqirini suli killuliqirini?”

**17** Jesus-ħum tusaakamigich nipliutigai, “Iluaqtuat taapkua atniġħnaitchuat inuqsrañitchut taaktinik aglaan iliñich atniġħnaqtuat. Uvana agginjitchu ja aiyugaagiäglugich nalaunnjaruat aglaan killuliqirit.”

### *Apiqsruun Uisauraalikun*

**18** Maliġuaqtai John-ħum Paptaagħirim suli Pharisee-ħuruat uisaura āġuuniqsuat piqusiġiplugu. Ilañiħi iñu ich utlakamitru ñ apiqsruġniġaat, “Suvaata maliġuaqtai John-ħum suli Pharisee-ħuruat uisaura aqmata, ilvilli malīġuaqtin taatnatlaiñniqpat?” **19** Jesus-ħum kiuniġai atrikusautmik, “Ilaqatnigiaqtuami uisaura aġniqpat ilaqatnigiaqtuam nayuutinijanisuli? Taatna ġumiñaitchut ilaqatnigiaqtuam nayuuti l-hani. **20** Aglaan uvluq tikitsiru q ilaqatnigiaqtuam aulla ġviksra ja ilijitniñ. Tavra uisaura ġviksra qpaaluk.” **21** Jesus-ħum ilisautipsa aġniġai atrikusra utmik, “Iñuum utuqqaq atnu għaqqaq il-aġġumiñaitchha nutaamik ukiłhaamik atakkii il-aqraq yuymi nutaam utuqqaq alikpala aġgisiga, aasi iñ allaq aglitlukhuni. **22** Naagasuli, iñuum utuqqaq puuq immiġġumiñaitchha nutaamik asiam misuġuanik atakkii nutaam misuqqum alikkisiga asiam misuġuan puuja, suli asiam misuġua maqgisiru q taavrūmaka nha puumiñ. Aglaan nutaaq asiam misuġua immiutraksra ruq nutaamun puumun.”

### *Qanuuta tilaa ja Minguiqsi aġġvium*

**23** Uvluani minguiqsiagvium Jesus pisuñniqsuq nautchiivikun. Tarra maliguaqtai tamaun-naaqamin pukunjiqsut mukkaaksranik, niqiaqsiplugitaasiin. **24** Tavra ilanjsa Pharisee-ñuruat nipliutilgiññigaat, “Atanii, suvaata ilinich savakpat minguiqsiagvium uvluani maligutaksrakuagnajitkaluaqtuat tamarrumani uvlumi?” **25** Ilaan kiuniçgai, “Agliqimasuknaçiksi David-ñumlu piqataiñlu inuqsriułhat niqiksraqmiknik? **26** David isiigniguguq tupqanun Agaayyutim niqipluniasii qaqqumik tunillaqtuutmik Agaayyutmun. Taatna atuumasruuniqsuaq Abiathar-ñum qaukliułhatni agaayuliqsit. Maligutaksraprigun kimun-unniin niqiksrautitquñiñigaa avataatigun agaayuliqsit. Aglaan David-ñum niçiñigaa qaqqiaq, aasiin aatchuğniçaa maliktigikkani.” **27** Taatnağaluaqamigich Jesus-ñum nipliutipsaagnigai, “Minguiqsiagvium uvluia iñiqtauruq iñuñmun aglaan iñuk iñiqtauñitchuq minguiqsiagvium uvluuanun. **28** Taatnamik Igñija Iñuum atançuruq unniin minguiqsiagvium uvluani.”

### 3

#### *Añun Argalik Pannaqluktanik*

**1** Jesus isitqinñiqsuq Jew-ñuruat katrağvianun. Aasiili tarani itmiñiqsuq añun argalik pannaqluktanik. **2** Jew-ñuplutin sivulliuqtuat qaunaksruaqsilgiññigaat mavruigisikmajan minguiqsiagvium uvluani, tavraami agvisiksraqsiuqqlugu. **3** Jesus-ñum tarra nipliutiniçaa añun argalik pannaqluktanik, “Makillutin

uvuŋagiñ.” <sup>4</sup> Tavraniasiiñ apiqsruqługich taapkua, “Nalliaq maligutaksrakuagñaqpa Minguiqsiagvium uvluani —savaaqalaq nakuuruamik naagaqaa pigiitchuamik, anniqsuiļiq iñuuļigmik naagaqaa tuqqutchiļiq?” Aglaan ilinjich nipaisaagniqsut. <sup>5</sup> Uumitchaksaalhüm tikiūmaliġaluagnigaa tarani aglaantuun ikuirrutiginigaa pitchigiiļhatigun suli suksraqanjiļhatigun, uummatiqaqhutin siqquqtuamik. Tarra nipliutiniġaa aŋun taamna, “Isivitkich argaktin.” Taavrūma tarra isivinniġai, aasiitai argai iħuaqsiñiqsut iglumiktitun iliplutin. <sup>6</sup> Tarra taapkua Pharisee-ηuruat aullaqtigniqsut, tarvauvaa sivunniuqatigityaqługich Herod-kuayaat qanuq tuqułiksraŋagun Jesus-ηum.

### *Iñugayaat Narvam Siñaani*

<sup>7</sup> Jesus aullaqasriqhuni maliguaqtimiñik Galilee-m narvanjanuñiqsuq. Iñugaagruich malilgiññigaat Galilee-miñlu Judea-miñlu, <sup>8</sup> Jerusalem-miñlu, Idumaea-miñlu, uŋataaniñlu Jordan-ηum, avataaŋniñlu Tyre-mlu Sidon-ηumlu. Taapkua tusaanigaat kamanaqtuanik savaaqalaħha utlakluguasiñ. <sup>9</sup> Tarra Jesus-ηum uqautiniġai maliguaqtini umiaq ikkiviksran iiguħiñaagħuquplugu qanimiñun atakkii iñugaagruich ukua iñugiaksivagitlutiż tatruligaat. <sup>10</sup> Mamititchianikman iñugiaktuanik, atlat atniġñautilgich tatviksraigñigaat aksiguklugu Jesus. <sup>11</sup> Tamarrasuli irrusiqłulgich tautukamitruñ putqataġvigliplugu niplianiqqsutli itna, “Ilvich Igñiża Agaayyutim.” <sup>12</sup> Aglaan iñiqtiqtaġniġai tamatkua ilinjituñ ilitchuġipkautigitqunijitluni.

### *Jesus Piksraġniqsuq Qulit Malġuiñik*

**13** Jesus kilvaqtaağniqsuq tuňaanun kiňiktaam nunam. Tarani qıññağnígai tamatkua pigisukkani. Tarra utlanjigaat. **14** Nalunaiqsaǵai qulit malǵuk malığuaqtiksrat, uqqiraqtaunik taiyuqklugich piqatigisukklugich, tuyuǵisukklugich quliaqtuaǵiaquplugich. **15** Sanjiksrińńiǵai mamititchitlasiplugich atniǵñaqtuanik suli anitchitlasiplugich irrusiqluńnik. **16** Uvva ukua qulit malǵuich Jesus-ŋum nalunaiqsaǵikkani: Simon-lu atchikkańja Peter-mik, **17** James-lu John-lu iǵńak Zebedee-m Jesus-ŋum atchikkak Boanerges-mik, mumiutiqaqhuni “Iǵnígikkak katlulam” [uumitchiyałallakhutigguq]. **18** Suli Andrew-lu, Philip-lu, Bartholomew-lu, Matthew-lu, Thomas-lu, James-lu iǵńiňja Alphaeus-ŋum, Thaddaeus-lu, atla suli Simon Zealot-ŋuruaq, **19** suli Judas Iscariot, taamna aatchuutigitniktuaq ilaanik.

### *Jesus-lu Beelzebul-lu*

**20** Akuniisuňaqani Jesus isığniqsuq tupiǵmun. Iňugaağruich malilgińńiǵaa. Kiisaimmatai taatnaqhutinj Jesus-lu malığuaqtiniň. **21** Tavra ilaiň tusaakamitrunj taatnaqtuaq aullaǵniqsut aggisityağuklugu Jesus, atakkii iňuich uqautigigaat iluangularıplugu. **22** Ilańich aglaliqirit tikińńiǵaa Jerusalem-miň itnaqhutinj, “Jesus Beelzebul-mik ańjalatiqaqtuq, aasiiň anitchiraǵaqtuq irrusiqluńnik atuqklugu sanjia ańjalataata irrusiqluich.” **23** Jesus-ŋumtarra qallilaqunıǵai iňuich ińmiňun uqautiuraagaqsiplugichaasiň atrikusautitigun itna, “Qanuǵuni tuungaq

anittaigisiva tuunġağmik? <sup>24</sup> Uvva nunaaqqim anjalatai akilliliqsuutikpata avatmun, taamna nunaaqqiq suksraungigñiaqtuq. <sup>25</sup> Uvvashuli iñuich tupiġmi atingiġpata akitjaqtutilutin suksraungigñiaqmuit. <sup>26</sup> Uvva taatna qaukliat tuunġaich irrusiqlüni piyuutigumiñ avatmun, ilaan sañŋia isukliññiaqtuq. <sup>27</sup> Uvvashuli atla atrikusaun: Kiñaunniiñ iñuk isiġumiñaitchuq sañŋiruam iñuum tħupqanun ivayaqtuaqsiluniasiiñ sulliñauranjiñik aglaan sivulliulugu pitukkayaġaa sañŋiruaq iñuk, tavrakħaasiiñ ivayaqtuaqsiluni sulliñauranjiñik.

<sup>28</sup> “Uvvauna uqautigipsi, Agaayyun natqigutriyumaaqtuq pisugaaqħuni iñuich kil-luqsautipayaanitñik suli uqaġniqlüktakipayaanitñik Agaayyutmik. <sup>29</sup> Aglaan Agaayyutim natqigutiyumiñaitchaa taimuña iñuk uqaġniqlüutriruaq Ipqitchuamik Irrutchimik; taamna iñuk patchisaugisiruq isuitchuaġuni.”

<sup>30</sup> Jesus taatnaġniqsuq atakkii taapkua upyaktuqlugu itna, “Taamna anjalatiqaqtuq irrusiqlünejmik.”

### *Jesus-ħum Aakaħalu Aniqaqtuġi*

<sup>31</sup> Uvvali Jesus-ħum aakaħa suli aniaqatiuji tikiññiqsut. Qichaqhutiñ qakma kiligiaqtinniġaat.

<sup>32</sup> Ila jata aquppiruat avataani nipliutigaa Jesus, “Ataġii, aakanlu aniaqatiutinlu kigga utaqqiñiġaatin.” <sup>33</sup> Jesus-ħum

kiuniġai, “Kiña uva ja aakapiagħiviyu unniñ aniaqatiupiagħiviyu?” <sup>34</sup> Saat lugħiċċi aquppiruat avatmiñi nipliutipsa aqġiġi, “Ataġii, uva ja aakapiagħa suli aniaqatiupiatka! <sup>35</sup> Kisupayaaq

savaaqaqtuaq pisułhanik Agaayyutim, taamna iñuk aniaqatiugigiga suli aakagiplugu.”

## 4

### *Atrikusaun Nautchiaksriqirikun*

<sup>1</sup> Tarrasuli Jesus-η舅 ilisautiaqsiłgiññigai narvam siñaani imma. Iñuich katilgiññiqsut iñugiaksiłutinj. Taatnaqmataasiiñ ikiniqsuq umiamun, mikiruūramik ayaktaallaklugu, aqvinniqsuq. Iñugaagruich qichaqtuiñaqtut narvam siñaani. <sup>2</sup> Ilaan ilisautiniğai iñugiaktuatigun atrikusautitigun. Aasii ilisauttutmiñi uqaaqtuutiuraaqlugich. <sup>3</sup> “Naalağnillagitchi! Iñugguuq nautchiityaagniqsuq. <sup>4</sup> Nautchirapkaqlugu nautchiaksrat ilanjich katagağniqsut apqutmun, aasiitai tiñmiurat tikitlutinj niğiñigaich. <sup>5</sup> Ilanjich katañniqsut uyağauruamun nunamun nunaqapijanitchuamun. Nauniqsut qilamik atakkii nunakitluni. <sup>6</sup> Aasiiñ siqiñgum mayuaqami pasiklugich atakkii kañiqapijanitlutinj pannaqluñiğai. <sup>7</sup> Suli ilanjich katañniqsut akungatnun kakitlağnat, aasiiñ kakitlağnat naukaminj nagguviksraigñiğaiç asirriñitlutinaasiiñ. <sup>8</sup> Ilanjitsuli katakhutinj nunagiksaamun asirriaqağniqsut. Iñugiaksiłutinj nauriñiqsut mukkaaksranik atautchimiñ iñuiññaq qulinjuttaaqhutinj suli ilanjich piñasukipiañuttaaqhutinj suli ilanjich tallimakipiañuttaaqhutinj.” <sup>9</sup> Ilaan nipliutigai, “Taamna iñuk siutiqaqtuaq naalağnilı.”

### *Sivuniñat Atrikusautit*

<sup>10</sup> Kisinqaqamiñ, maliquaqtaiñ iñuillu tusaaruat ilaanik apiqsruğniğaat taavrumuuna

atrikusautikun. **11** Jesus-ηum nipliutigai, “Agaayyutim sagvigaa nalunaqtuañanik añaayuqautaan ilipsitñułhiñaq, aglaali tamatkunuña ukpiqsriñitchuanun uqaǵaqtuña atrikusautitigułhiñaq. Taamna aglausimaruaq uqaligñi immiumaruq Agaayyutim itnauttutigkkanja,

**12** ‘Qiñigaluqaqhutin irimiknik iłisaqsritłaitchut, unniñi tusaagaluqaqhutin siutimiknik kanjqsillaitchut.

Kanjiqsiñigumiñ mumikpiaqtut Agaayyutmun, ilaanli natqigutigai killuqsautinjítñik.’” *Isaiah 6:9-10*

### *Jesus Kanjqsipkaiñiqsuq Atrikusautmik Nautchi-irikun*

**13** Jesus-ηum apiqsruğnígai, “Naluniqpisiuñ taamna atrikusaun? Qanuǵmi kanjqsipisigich atlat atrikusautit? **14** Nautchiiri nautchiiruq tusaayugaallautamik. **15** Ilaatni uqalıq nautchiaksratun katagaqhuni apqutmun; tamatkua iñuich tusaaplugu uqalıq, aglaan tuungáum tikitługu qilamik aattaǵnígai uqałhich nautchirriutauruat uummattinjítñi.

**16** Suli atlat iñuich atriplugich nautchiaksrat kataktuat uyaǵauraalinmun; tusaaplugulu uqalıq qilamik quviasukhutin akuqtuqlugulu,

**17** aglaan uqalıq kanjlinjítman akuniutlaitchuq. Kinjuagun iluilliułigli piyuaqsiułigli ilipmaknik pigiplugu uqalıq qapiqtıǵaǵníqsut. **18** Suli atlat iñuich atriplugich nautchiaksrat kataktuat akunǵatnun kakitlaǵnat. Taapkua tusaaruat uqalıgmik **19** aglaan isumaaluutit iñuuniałikun,

kinnitñinjiağutitlu umialgutmik suli kimmuitit supayaanik suqutigingiğägigaat Agaayyutim uqałha. Taimmaasiiñ nauritlaitchut asianik. <sup>20</sup> Suli atlat iñuich atriplugich kataktuat nunagiksaumun: tusaakamitruñ uqałiq akuqtuqlugu suli asirriaqaqhutinj, ilanjich iñuiññaq qulitun, ilanjich piñasukipiatun, ilanjitsuli tallimakipiatun.”

### *Naniq Ataani Utkusium*

<sup>21</sup> Jesus nipliutigikkani ilaniğai, “Atanjii, iñuich ilıraqingitchaa naniq ataanun utkusium unniññ ataatnun siñigviich. Aglaan iñuich naniq ilıraqigaa naniqağıñymun. <sup>22</sup> Agaayyutim iriqsimakkañi pakma sagviğisigai ilaatnigu. Iñuich kañiqsimajitchaluağumisigik pakma kañiqsigisigaich taimanigu. <sup>23</sup> Kiña iñuk siutiqağumi tusaatlaruañnik, ki ilaa tusaali.” <sup>24</sup> Ilaan nipliutimmiñigai, “Ki, naalağnimmaağiksi ata! Qanutun naalağnisilaaqsi taimma itpan, taatnatun kañiqsiaqtilaaqsi itkisiruq, suli kañiqsisaiññağniaqtusi. <sup>25</sup> Ilaa piqaqtuaq akuqtullaağisiruq aglaan taavruma piqañitchuam anniagisigaa pigikkani.”

### *Atrikusaun Nautchiaksrakun Nauraqtuakun*

<sup>26</sup> Jesus nipliqliq, “Atriqaqtuq anjaayuqautaa Agaayyutim iñuñmik nautchiiruamik nautchiaksranik nunamun. <sup>27</sup> Unnuağagağıpman siñikhuni suli uvluağagağıpman makitluni savaaqaqtuq. Qaunaksrailaat nautchiaksrat nauraqtut, suli qanupiaq nalugaa naułhat. <sup>28</sup> Aglaan nunam naupkaqlugu asirriraqtuq, sivulliuplugu nautchiaksraq nuillagaqtuq qiniğnaqsiuraqhuni aasiitai nauqqaaqhuni puuña piñjuqmata mukkaaksram, tavrakña

iluqani niqiksraq nauvaalukhuni. <sup>29</sup> Aglaan asiat nautchiirim kippumik kipiaqsiraġigai, katitchivik tikiumaplunikii.”

### *Atrikusaun Mikiniqsrakun Nautchiaksrakun*

<sup>30</sup> Jesus nipliqaq, “Sumun atritlavisigu Agaayyutim añaayuqautaa iñuñnik? Uqautiniagipsi atrisilaanjanik. <sup>31</sup> Atriqaqtuq nautchiaksrauramik atiqaqtuamik mustard-mik. Mikiniqtaġaluaqtuq nautchiaksrapayaaniñ nunami. Aglaan nautchirriutaukami nunami <sup>32</sup> naugaqsiraqtuq aglitlukhuni nauriapayaaniñ. Akiguġluksipluni tiġi miġi uvlutiqaġvigiraġniġaat taġġaġatni akutuqpalgich.”

<sup>33</sup> Suli iñugiaktuatigun atrikusautitigun Jesus-ηum uqaaqtuutiraġniġai iñuich kañiqsilgutilaanjetitun. <sup>34</sup> Ilaan uqautitlaitkai atrikusautailaaqħuni. Aglaan kisiñjuqamiñ maliguqaqtini kañiqsipkaġniuraapiqklugich pirägnigai.

### *Jesus-ηum Quunniġuqtikaa*

<sup>35</sup> Tamarruman iuvlumi anaqaksraaqman ilaan nipliutinigai maliguqaqtini, “Akmuňaqt”

<sup>36</sup> Tavrani ilijisa uniññiġaich iñugaagħruich. Maliguqaqtai ikiniqsut umiamiknun Jesus-ηum ikimmivianun. Atlat umiat itmiñiqsut.

<sup>37</sup> Anuqkliġuqman qailiġuqħuni umiajat immautiqaqsiniġaa. <sup>38</sup> Jesus aquani umiam siñiñiqaq akitchillakhuni. Ilrijsa itiqlaġniġaat niplialaplutin, “Ataniiq, sugiñitpiu piyaqquġupta?” <sup>39</sup> Ilaa makitluni iñiqtigħiġik anuġilu qailiġlu, “Ki, anuġaiġli!” itnaqħuni. Anuġaiqħuni quunniġuġniqsaq taatnaqħman. <sup>40</sup> Nipliutinigai, “Suvaata iqsivisi ukpiqqutaitmatun?” <sup>41</sup> Taapkua

iqsiliqpauragñiqaqsut. Apiqsruutiaqksiñiqaqsut avatmun, “Qanusuniqpa una iñuk anuġimunniiñ qailiqpauratlu kamagivatruŋ?”

## 5

### *Jesus-ŋum Mamititkaa Iñuk Iñugiaktuanik Irrusiqłulik*

<sup>1</sup> Ilinjich ikaağıniqaqsut igłuanun narvam nunaŋatnun Gerasene-naġmiut. <sup>2</sup> Niupqauraqman umiamiiñ paagñigaa irrusiqłulgum iluvgich akungatniñ. <sup>3</sup> Uvvaguuq taamna iñuuniagñiqaqsuaq tamaani. Kia-unniñ iñuum qiliqsimalguitługu kalimñiġñik; <sup>4</sup> Akulaiqługu qiliġaluaġaġniġaat niukkunlu argaigunlu. Kiktugaalaaraġniġai qilgutini piiyaqługich. Kia-unniñ iñuum nuyuiqsalguiññiġaa. <sup>5</sup> Ataramik unnuamiliu uvulumiu nayuutiraġniqaqsuq nipaalapluni qipiqlasralakami iluvigich akungatniļu qimiġaat qaaŋatniļu, suli iñugiaktuami killialapluni uyaġaŋnun. <sup>6</sup> Taiññaqıuraq qiniqamiuŋ Jesus aqpalıqsrugniqaqsuq ilaanun, sitquġvigipluguasiñ sivuġaanun. <sup>7</sup> Iñuum iluaniñ irrusiqłuum piyaa nipitugalukut, “Jesus, Iġniha Qutchinñiqaqsrauruam Agaayyutim, suniaqpiha? Agaayyutim atqagun injiġikpiñ anasiñjuqsaqunjiłuŋa.” <sup>8</sup> Jesus-ŋum tiligaa irrusiqłuk anitquplugu taavrūmakaŋa iñuŋmiñ. <sup>9</sup> Atakkii Jesus-ŋum apiqsrugħaa, “Sumik atiqaqpich?” Ilāan kiuniġħaa, “Uvana atiġa Iñugiaktuaq atakkii uvagut iñugiaktugut.” <sup>10</sup> Tarra taavrūma injiqsrugħiġħaa, “Tuyuġiniaqasigut tamarrumakaŋa nunamiñ.” <sup>11</sup> Qanimi munaqṣraqpauraqagaġniqaqsuq malġuŋnik

kavluutiñnik kunianik, niġiñiaqhutinj qimiġaami. **12** Irrusiqlüich iñiqsruaqsiñigaat, “Isiqtittigut kunianun taapkunuña.” **13** Jesus-ŋum aŋiġniġai. Irrusiqlüuk aullaġniqsut aŋutmiñ, isiqhutinjaašiñ kunianun. Iluqatinj kuniat paŋalikhutinj anayasuktuaſuŋjaqatiñ ipnakun. Naparaġniqsut narvamun aasiiñ ipiplutinj.

**14** Munaqsriruat taapkuniña kunianik qimakhutinj uqautityaġniġaich nunaaqqiġmiut. Tamatkua iñuich aullaqhutinj tautugiaġniġaat tamanna atuumaruaq. **15** Iñuich utlautikamiñ Jesus-mun tautuñiġaat irrusiqlüqaġuugaluaqtuaq aquppiruaq atnuġħaqħuni qauġrimapluni lu. Taatnaqhutinj iñuich iqsitchaħniqsut. **16** Tamatkua qiñiqatauruat uqautigiaqsiñigaat iñupayaanun qanuq atuumalha atlāġuqman irrusiqlüqaġuugaluaqtuaq suli qanuq piyaqquħħat kuniat. **17** Tavra iñuich iñiqsruaqsiñigaat Jesus aullaquplugu nunamikniñ. **18** Jesus ikiaqsipman umiamun taavrūma irrusiqlüqaġuugaluaqtuaq iñiqsruaqsiñiga maliguklugu Jesus. Maligulillapiġniġaa Jesus. **19** Naagauvva Jesus-ŋum maliqunejnjiġaa aglaan itna nipliutiħiħiñiġaa, “Ailutin ilauraaqnun uqautityakkich tamarruminja kamanaqtuamik Atanġum savauṭtutaanik ilipnun suli ilunnejksriħħanik ilipnun.” **20** Tavra iñuk aullaġniqsuq, aasiiñ quliaqtuagaqsipluni nanipayaaq Qulinij Nunaqqiñi qanuq kamanaqtuamik savaaqalha Jesus-ŋum iñmiñun. Tarra iluqatinj iñuich quviġusuŋniqsut.

*Jairus-ŋum Pania suli Aġnaq Aksikniktuaq Jesus-ŋum Atnuġħaaħjanik*

**21** Jesus utiqami igluanun narvam, iñugiaktuat iñuich katilgiññiqsut siñaani narvam. **22** Tavra agiqmiñiqsuq anjalataa Jew-ñjuruat katraqviata, Jairus-mik atilik. Tautukamiun Jesus punniqsuq sivugaanun. **23** Iñiqsrullapiägniqsuq itnaqhuni, “Paniurağa amma tuqułhiññaaguqtuq. Ilillañniaqgitka argaktin ilaanun mamitquplugu. Iñuyumauglı.” **24** Taatnaqmantarra Jesus taamuñaqatiqagiññiqsuq. Iñuich iñugiakpagitlutin malilgiññigaat tatsuqluguunnniiñ. **25** Ağnaqtuuq tamaaniitmiiñiqsuq atniğñautiqaqtuaq auñmik qulit malguñni ukiuni, **26** iluaqsipkağniagaluaqtitluni iñugiaktuanun taaktinun. Akiliqsuutigiplugitunniiñ sulliñaurani iluaqsiñiñiqsuq, aglaan atniğñaliqsaññağniqsuq. **27** Ilaan tusaakamiun Jesus utlautiniqsuq iñugiaktuat akunğatigun. Tarra tunuaniñ aksıññigaa atnuğaagikkanja, **28** isumapluni, “Aksikkupku Jesus-ñum atnuşaana iluaqsiyumiñaqtuña.” **29** Tavraknatchiaq aunaaqsruruñaigñiqsuq. Ikpiginigaa timigikkağmiñi iluaqsiñli taavrumakja atniğñautmiñ. **30** Jesus ilisimaliqhuni sañji aullaqtalaanjanik iñmiñiñ kinjağniqsuq tatsuqtuani nipliqhuni, “Kia aksiksipań atnuşaaga?” **31** Malığuaqtaiñ nipliutigaat, “Ilisimagaluaqługu iñugiaktuanun tatsuqtalaan, naagasuli apiqsruqtutin kimun aksiksilaağmiñik.” **32** Jesus qiniğniağniqsuq kimun aksiksilaağmiñik. **33** Taavruma ağnam Jesus utlañigaa iqşiliqsiqhuni attaqsraliqsiqhuni ilisimaplunkii iluaqsisilaağmiñik. Putluni sivugaanun uçautiniğaa aksıññiplugu. **34** Jesus-ñum nipliutigaa, “Ukpiqsriiliqpich iluaqsipkağaatin. Tutqiksautlasirutin, iluaqsirutin

atniġñautigikkaqniñ.”

<sup>35</sup> Jesus uqaqtitlugu ilanjich iñuich tikiññiqsut tupiġikkaqjaniñ taivruma anjalataan katraġvium nipliħutinj, “Paniuran tuquaniktuq. Ilaksiatqiñiaq nagu Ilisautri.” <sup>36</sup> Jesus-ηum suliqutigisunjaq nagħiċċi nipliċsuat nipliutiga ajanlataa katraġvium, “Iqsiñak, ukpiqsri lhiñaġiñ.” <sup>37</sup> Ilaan kiñau nniñ iñuk maliqunejñiġaa avataati-għiġi Peter-mlu, James-lu, suli John aniqatigikka ja James-ηum. <sup>38</sup> Tikitñamiñ tupqanun anjalataan katraġvium Jesus-ηum qiñġiñiġai kiñuvġurit tamatkualu qiarit atqunallapiaq. <sup>39</sup> Isiqħuni nipliutigai, “Suvaata itnaġniqpisi qiaplu si? Una ililgħaqq tuqunejtchuq, siñiktua qsiñaqtuq.” <sup>40</sup> Tamatkua mitautigia qsiñiġaat. Uvvaasi iñ anitquniġai. Kisinju qħutiñ anjayu qaagħlu ililgaam suli taapkualu piñasut maliguaqta isignihsut ililgaam nalavigikkajjanun. <sup>41</sup> Tiguniġaa ililgħaqq argaigun nipliuti plugu asii, “Talitha Coum” (mumiuti qaqtaq “Niviaq siaġruuk, nipliutigikpiñ, makittin”). <sup>42</sup> Tavraknejt chiaq ililgħaqq makinnihsuq pisuaq siplun iasiñ. Taamna ukiu qtutilaa qaqġi nihsuq qulit mal-ġuñnik. Taapkua nayu utiru at quviġġutchallapi agnisihsu. <sup>43</sup> Ilaan iñiqtigniġai kisumununniñ ilitchu ġipka qunejt lugu tamanna atuumaruaq aglaan niġipka qunīġaa.

## 6

### *Nazareth-miut Ukpigżejjitkaat Jesus*

<sup>1</sup> Taavrumak ja Jesus aulla qiegħi nihsuq iñnuq qiegħi viñiñ. Maliguaqta iñni maliżi niga.

**2** Minguiqsiaġvium uvluani ilaa ilisautriacsiruq Jew-  
nuruat katraġviatni. Iñugiaktuat tusaakamitruŋ  
quviġusunqsiqst nipliqhutinj,

“Nakiknjakiaq ilisimmatiqaġnikpa, una iñuk?  
Kia marrumiňa puqiutmik aatchuġniqpaun suli  
sañjimik savaaqatlasipluni quviqnaqtuanik?

**3** Taamna qiruňnik savaaqaqġuusruguuq, amii?  
Igħniġigaa Mary-m. Suli aniaqatigigaat James-  
n̄umlu, Joseph-n̄umlu, Judas-n̄umlu Simon-  
n̄umlu, suli aġnat aniaqatai marra iñuuniaqħutinj  
akunnaptikni.” Tarraasiiñ ukpiġiñiñiġaat  
kamanaħha. **4** Aglaan Jesus-ŋum itnaġniġai, “Iñu  
nanipayaaq kamagiraqniġaat sivuniksriqiri  
aglaan kamagitlaiñiġaat iñugugviani unniñ  
akunġatni il-ġagħkka iñ naagaunniñ kiñungħani.”

**5** Jesus savaaqalguiñiġsqaq quviqnaqtuanik  
savaanik. I�igaluägnīġai argaġni ikituuranun  
atniġñaqtuanun iļuaqsiplugichaasiñ. **6** Ilaan  
quviġusutiginiġaa Nazareth-miut ukpiq-  
risuñiż-ħat. Jesus nunaaqqiñuktaġniġsqaq  
ilisautriacsippluniasiñ.

### *Jesus-ŋum Aullaqtitkai Qulit Malġuich Maliguaqtini*

**7** Jesus-ŋum sivunniuqatiginiġai qulit malġuich  
maliguaqtini, aasii aullaqtitkaqsiplugich  
malġuuttaaqħlugin. Sañjiksriñiġai an-  
itchitħasiplugich irrusiqħluuňnik, **8** tiliplugich,  
“Iglaułłapsitni saagaġġniaqas sumik aglaan  
ayauppiuramik kisian; qaqqumik unniñ injularim  
puukatajanik unniñ maniġmik aullautriñiaqas.  
**9** Aluġuaqtuġusi suli atnuġaġatqiutiksrai laaġusi.”  
**10** Suli ilaan nipliutiniġai, “Tukkuniġupsi

tupiğmun atlamic tukkuksraqsiuğumiñaitchusi aullağniałapsitñunaglaan, <sup>11</sup> suli iñuich pağlañitpasi naalagnisunjt patigiglu uqalusi, unillugu nunaaqqılıq ipsuktugumagiksi apyuq isigapsitñiñ. Taamna kilgutaugisiruq ilinjıtñun akuqtuiñisilañatnik tusaayugağıksuamik. [Ilumun uçautigipsi, qağanatluñniaqtuq iñuiñi Sodom-ñum Gomorrhañumlu atanniivium uvluani taapkunakña iñuiñiñ nunaqqim.]” <sup>12</sup> Quliaqtuağutiginigaat iñuñun isummitqiqupluginch mumiklugich killuqsautinjıtñiñ. <sup>13</sup> Suli anittaiñiqsut iñugiaktuanik irrusiqluñnik iñuñniñ, uqsruqtıqlugillu uqsruğutnik iñugiaktuat atnígñaqtuat iluaqsiplugichaasiñ.

### *John Paptaaqtitchiri Tuquniqsuq*

<sup>14</sup> Herod-tuuq, Galilee-m umialga, tusaaniqsuq Jesus-mik atakkii iñuich uqaqägniqsut ilaanic nanipayaaq. İləñich iñuich nipligñiqsut, “John Paptaaqtitchiri anitqıññiqsuq tuqulığmiñ. Taatnamik savaaqatlasıññiqsuq quvíqnaqtuanik.” <sup>15</sup> Atlat nipligñiqsut, “Elijah-ñuvaluktuq.” Suli atlattuuq uqaqniqsut, “Sivuniksriqiraüvaluuktuq ilaqatitun taipkua kamanaqtuat sivuniksriqiritun inilgaan.” <sup>16</sup> Aglaan Herod tusaakami nipligñiqsuq, “Una John-ñuniqsuq niaquikkağa, makitqikhuni tuqulığmiñ.” <sup>17-18</sup> Sivuani Herod-ñum ilaqatigiliutinikkaşa aniaqatmi Philip-ñum nuliaşa atilik Herodias-mik, John-ñum suakatağaluağnígaa Herod, “Maliğutaksrakuağnanğitchuq aniaqatvich nuliağikkaşa tuvaaqasiutigupku.” Taatnaqługu Herod-ñum tigupkağnígaa John isiqsiuviñmuktitluguasiiñ ağınaqtıñ quyalisukługu.

**19** Aasiiñ Herodias-ñum qinnautigaluagñigaa tuqqutchukkaluaqługu, aglaan taatnalguiññigaa piqutigiplugu Herod. **20** Herod-ñum attaġinigaa John iļisimaplugu nalaunħapluni ipqitchuaq iñuk. Taatnamik tugluaqsimaagñigaa. Naalaġnisuullapiägaa John tutqiiłisuugaluañħażmi naalaqtuapayaaqamiuñ.

**21** Kiisaimma Herodias-ñum piviksrani nalautitpaa. Herod-ñum annivilirvia tikitman aiyugaaqķiħuni qauklinjítñik kavamauruat, anjuŷaktillu qauklinjítñik suli sivulliuqtinjítñigu Galilee-m. **22** Tavra pania Herodias-ñum isiqħuni sayuġniqsuq quyaliplugu Herod suli tuyuġmianji. Umialgum nipliutiniġaa aġnauraq, “Injqsruġiñ, sumik piqaġukkapnik aatchuġisigikpiñ.” **23** Akiqsruutiniġaa taamna aġnauraq, “Qanutchipayaamik injigupja qaitchigisigikpiñ, avvajanikunniñ atanguvuġiżma.” **24** Niviaqsiaq aakamiñukħuni itnaġniġaa, “Sumik apiqsruġisivik?” “Apiqsruġumautin niaquanik John Paptaaġirim,” aakanjan itnaġniġaa. **25** Taamna utiġniqsuq qilamiksruaqħuni umialiñmun nipliutiplugu, “Uvaña aatchuquruña ilipnun akkupak niaquanik John Paptaaqtitchirim puggutamun iļiġugu.” **26** Umialgum tusaakamiuñ aliasulillapiägħiġi. Aglaan akiqsruqtuutni pigiplugu suli pigiplugich tuyuġmiani itigautipchanġitchaa. **27** Tarva Herod umialik tilisiñiġi suq niaquiqsirimik niaquanik John Paptaaqtitchirim aggiutritquplugu. Taavrura isiqsivijmukħuni niaquiġñiġaa John. **28** Aasiiñ aggiutiplugu niaqua puggutamun iļiġugu

qaiññigaa aġnauramun, aasiiñ aġnauram qaitlugu aakamiñun. <sup>29</sup> Tavraknej John-ŋum maliġuaqtaiñ tusaapqauraqamitruñ taamna, aiñigaat timaa tugvagiaqluguasiñ.

### *Jesus Niġipkairuq 5,000 Aġutinik*

<sup>30</sup> Uqqiraqtit utiġniqsut Jesus-mun, uqautipluguasiñ savaaġikkaġmiknik suli ilisautriġġmikniglu. <sup>31</sup> Iñuich utiqtaqpaitlutiñ maliġuaqtai niġġiviksraġniġaichunniiñ. Taat-naqħuni Jesus-ŋum nipliutiniġai, “Kiata, kisiñħugutiluta iñuilaamun, minguiqsiallagiäġitħi.” <sup>32</sup> Tavra aullaġniqsut iñuilaamun umiakun kisimiñ. <sup>33</sup> Iñuich tautukamisigin aullaqmata, ilisaqkligniġaich. Aqpatkaqsilīgħiñiqsut iluqaitniñ nunaaqqiñiñ tikiumasukħutin sivuniġvigikkajnatnun taapkua sivuatni. <sup>34</sup> Jesus niukami umiاميñ tautużniqsuq iñugiaktuanik iñużnik. Ilunħutchażniqsuq atriliutiplugich ipnaiyaatun munaqsrailaatun. Tavra Jesus-ŋum ilisautiuraġġatasrugrużniġai. <sup>35</sup> Uvluqpaguqman maliġuaqtaiñ utlajniġaat Jesus nipliutiplugu, “Manna nayukkaqput iñuitchuq, suli unnuaqsiyaa. <sup>36</sup> Aullaqtikich iñuich nunaaqqiuranun. Tauqsiġiäġlich niqiksraġġmiknik.” <sup>37</sup> Tarra Jesus-ŋum kiuniġai, “Aatchuqsigik niqiksraġġitħik.” Taapkua apiqsruġniġaat, “Qaqquqsitquvisigut malġuk tallimakiapiak akiksraġjaknik niġipkautiksraġġatnik?” <sup>38</sup> Jesus-ŋum nipliutiniġai, “Qanutunmi samma qaqqianjuraqaqpisi? Ilitchuġiniurallaktiġitħi.” Ilitchuġikamitruñ Jesus uqautigaat, “Paqittugut tallimanik qaqqianjuranik suli malġuñnik

iqaluñnik.” <sup>39</sup> Tiligai iñuich aquvititqupluginch ivigaamun. <sup>40</sup> Tavra tallimakipiañutqataaqlugich suli malgukipiaq qulitqataaqlugich aquvititkaich. <sup>41</sup> Tiguniğai tallimat qaqqiañurat suli malguk iqalugauraak, aaqluqhuni qilañmun quyyatiplugich. Aasiiñ avguqlugich qaqqiat suli iqalugauraak qaiññigai maliguaqtimiñun autaaqupluginch tamatkunuña niğisuktuanun. <sup>42</sup> Iñuich niğiñiağniqsut, iluqatinjaasiñ niğisuillapliaqhutiñ. <sup>43</sup> Niğisuijanikmata katinniğaiq qulit malguk aguupmaich ilakunik imalgich. <sup>44</sup> Taapkunani niğiruani 5,000-ñuniqsut aňutit.

### *Jesus Pisrukman Imığmi*

<sup>45</sup> Niğianipqauraqmata maliguaqtai aullaqtitkai umiakun sivumiñi narvam igluanun, amuña nunaaqqiuramun Bethsaida-mun. Aasii taatnaanikami aitquniğai taapkua iñugayaat. <sup>46</sup> Suli aullaqtitkanikamigich mayuğniqsuq iğgimun agaayutyaqhuni. <sup>47</sup> Qaumauraanñjaan unnuksraaqman umiaq iliñiqsuq qitqanun narvam, Jesus kisivlipkaqlugu nunami. <sup>48</sup> Qiñiğniğai sakuullapiaqhutiñ iputtuat atakkii paaqlugu anuğı. Tamaaniguuq uvlaatchaurağuqman pisuktuağniqsuq qaañagun imğum. Qaañiqsağumaruatun piñigai. <sup>49</sup> Tautuñniğaat ilisağıpmiñagulu pisuktuaqtuaq qaañani imğum. Aliuqtuaqsiñasugiplutin nipliagaqsiñiqsut. <sup>50</sup> Qiñiqamitruñ iluqatinj tataminniqsut. Qilamik Jesus-ñum nipliutigai, “Quviatchauğigitchi, uvañauruña, iqsiñasi.” <sup>51</sup> Tarra utlañniğai ikipluni umiamun, aasii anuğaiqhuni. Taapkua quviğutçallapliağniqsut.

**52** Tautukkaluaqlugu Jesus niġipkaipman qaqqunik iñugiaktuanun kañiqsimalguiññigaatsuli kisuutilaanja, ukpiġilguitlugu tavrakii.

*Jesus Mamititchiruq Atniġñaqtuanik Gennesaret-mi*

**53** Taapkua ikaaqługu narvaq tulañniqsut Gennesaret-mun. **54** Niukamiñ umiamin iñuich ilisaqlığutiniġaat Jesus. **55** Iglauniqsut iluqaani nunami Jesus-muutriaqsiplutin atniġñaqtuanik akiyaqhutiñ siñigviksummaisa ilitchuġikamitruñ Jesus sumiitilaanja. **56** Napmupayaaq Jesus nunaaqqiuramukman suli nunaqpañmun iñuich aggiutruġniġaich atniġñaqtuat illiuqaqługich tumitchaanun apqusaagaksrajeniñun Jesus. Tamatkua iñuich iniqsruġniġaat Jesus atniġñaqtuat aksillañniägukluguunniñ atnuġaaanja. Aasiin taatnaqamitruñ nakuqsiraġautiginigaat.

## 7

*Sivullianjisa Iłisauṭtutigikkajat*

**1** Tavra ilanjsa Pharisee-ηuruat suli aglaliqirit aggiqsuat Jerusalem-miñ utlañniġaat Jesus. **2** Tautuñniġaich Jesus-ηum maliġuaqtit ilanjsa niġiruat iġġuġaluaqnagich argatiñ Pharisee-ηuruat piraksriutaatitun iñuñnun. **3** Pharisee-ηuruat suli atlat Jew-ηuruat niġillaiññihsut iġġuġaluaqnagich argatiñ, kamagiplugu ilisauṭtutaat sivulliaġikkäġmiñ injiġaanimakja. **4** Aikamin tauqsiġñiaġviñmiñ sunik niġillaiñnisut iġġuġaluaqatiñ. Suli iñugiaktuat piraksriutinjich aapamiñ maliġutmigaich itnatun ittuat, iġġuġluginch qallutit suli utkusiich suli puggutat. **5** Tavra

Pharisee-ηuruat suli aglaliqirit apiqsruğniğaat Jesus, “Suvaata malığuaqtitin malığutinjipat ilisauttutigikkañitňik sivulliapta, niğiplutin qaqqianik iğgüğniğilaanik argañmiknik?”

<sup>6</sup> Jesus nipliutigai, “Ukpiñjuaqtauruasii, Isaiah sivuniksriqiri nalauttuq uqaqami ilipsigun, it-naqhuni,

Iñuich kamaksrulgugaluağaatña uqałhiñagmiktigun aglaan uummatinjich uñasiksut uvamniñ [piq-pagillapiangitluñja].

<sup>7</sup> Kamaksruutaat uvamnun tanjığilaanjuraq atakkii ilisautrirut iñuich ilisauttutaitňik iliplugich malığutaksrağıruatun Agaayyutim.

*Isaiah 29:13*

<sup>8</sup> Kamagijnitkaluağısı tillisai Agaayyutim, aglaan kamaksriplusi ilitqutchiňik iñuknitñaqtauruanik.”

<sup>9</sup> Jesus-ŋum nipliutipsaağniğai, “Yaiy, nalunğıitkaluaağnígiksi qanuq ayaksımaałiksranıt tillisai Agaayyutim. Ilisimagaluaqlugu

atuumaniaqtaksrauruaq Agaayyutim pisułhagun kamagirağıñitkisi aglaan ilisauttutisi malikkisi.

<sup>10</sup> Moses tilisiñiqsuq, ‘Kamagiyumagiñ aapan suli aakan’ suli ‘Kiñaimña uqapıluułtriruaq aapamiňik suli aakamiňik tuqqutaksraupiaqtuq’. <sup>11</sup> Aglaan itna ilisautrirusi iñuum nipliutiłhiñauplugik aŋayuqaaŋni ‘Corban’ (mumiutiqaqtuaq ‘Ikayuğukkaluağıptik aglaan qaiñjaniktuña Agaayyutmun’).

<sup>12</sup> Taatnaqamigguuq patchisaiyaağniraqtuq ikayuiłiksrağaluaağmiňik aŋayuqaaŋmiňik. <sup>13</sup> Taatnaqapsi ayakkisi uqalhi Agaayyutim taavrumuuna ilisauttutipsigun. Suli iñugiaktuat atlat ilisauttutipsi atuumanğığigisi.”

*Sut Qaayuġnaqsiruat Iñuŋnun*

**14** Uumaguuq tuqlugniġai iluqaisa iñuich iñmiñun nipliutiplugich, “Naalagnillaksitja, kañiqsiyumaus! **15** Isaaġaqtaaq iñuŋmun silataaniñ qaaġnaqsiragutauŋitchuq aglaan samna anniūgaqtuaq uummataanun. **16** [Kiña iñuk siutiqaqtuaq tusaali.]”

**17** Jesus-ŋum unitňamigich iñugayaat isiġniqsuq tupiġmun. Maliguaqtaiñ kañiqsimasrukħutin apiqsrulgiññigaat taavrumuuna atrikusautikun.

**18** Suakataġniġai, “Kañiqsillaiññiaqpat! Tusaanjitchuatun! Uvvaami qanutchim silataaniñ isaagaqtuam qaaġnaqsiraġaŋitchaa iñuk.

**19** Atakkii isaagaqtanjitchuq uummataanun aglaan aqiaġuanun anipluniasiñ timimiñ.” (Jesus-ŋum nipliutigikmauŋ taamna niġiñaqsigai niqipayaurat.)

**20** Niplipsaaqtuq, “Sagviqsiqataqtuam iñuŋmiñ taavruma qaaġnaqsiragħigaa iñuk. **21** Samakja anniūgaqtut uummataaniñ iñuum, pigiitchuat isummatit: sayuŋaļiq ilaqataunnani, tigliyuļiq, iñuaqtuļiq, **22** atlatuļiq, kaviuġutiqaļiq, pigiiliqiļiq, kinnitniļiq, iñmiñun ajanalguwiļiq, sanjaktuļiq, uqagħniqkulkaļiq, kamanaġasrugħiļiq, kinnanjaaļiq.

**23** Iluqatiŋ taapkua pigiitchuat sagviqaqtat iñuŋmiñ, qaaġnaqsipluguasiñ taamna iñuk.”

*Ukpiqsriħha Aġnam Jew-ŋunġitchuam*

**24** Tavrakja Jesus aullaġniqsuq tujaanun Tyre-m suli Sidon-ŋumlu. Isiġniqsuq tupiġmun nalutqugaluaqhuni iñuŋnun. Aglaan nalunjiġiññigaat. **25** Uvvauna aġnaq paniuraqagħniqsuaq irrusiqlulijmik. Tusaaniġaa imma Jesus tikiumaniplugu. Utłakamiuŋ purviginigħaa

isigaiñun. <sup>26</sup> Ağnaq Jew-ηuñitchuq, animapluni Phoenicia-mi Syria-mi ittuami. Taavruma injisruğniğaa irrusiqluk anillanñaquplugu paniurağıkkağmiñiñ. <sup>27</sup> Aglaan Jesus-ηum nipliutigaa atrikusautmik, “Ililgaat sivulliulugu niğisuiqsuksraurut. Nalaunñanjitchuq ililgaat qaqquksrañat aatchuutigiliksrañat makunuña qipmiñun.” <sup>28</sup> Ağnam kiuniğaa, “Aa tarraami, Ataniiq, naagaunniiñ qipmich niğgiviich ataatni niğisuupmiut kanganiñitñik ililgaat.” <sup>29</sup> Ilaan nipliutiniğaa, “Aarigaa, kiusrillautaqtaqtintarra, ikayuğisikipiñ. Aggiñ, taamma irrusiqluk aniruq paniurağıkkaqniñ.” <sup>30</sup> Taavruma aikami paqinniğaa paniurağıkkani nalauraaqtuaq siñigviñiñ, irrusiqluqağniañitchalukut.

*Jesus Mamititchiruq Iñuñmik Uqatlaitchuamiglu  
Tusaatlaitchuamiglu*

<sup>31</sup> Tarra Jesus aullalgiññiqliq suq avataaniñ Tyre-m Sidon-kuaqhuni utlautipluni narvañjanun Galileem, apqusraaqqlugu nunakun atilikun Decapolis-mik. <sup>32</sup> Iñuich Jesus-muutilgiññigaat iñuk tusaallaITCHUAQ suli uqallaitmisigalugu. Tarra injisruğnigaat patiglugu argaiñik iluaqsitquplugu. <sup>33</sup> Tavra uñavaqtaağutillañniğaa iñugaağruñniñ. Iliplugu tikiğikkani siutanun suli tivvuaqtuqługich aksiññiğaa uqağıkkaña iluaqsisukługu. <sup>34</sup> Aaqluqhuni qilañmun aniqsaaqpañniqsuq nipliqhuni, “Ephphatha” (mumiutiqaqtuaq “Añmağıñ”). <sup>35</sup> Tavrakñatchiaq siuttak añmağniqsuq suli uqanja iluaqsipluni, uqaaqsipluniasiiñ kañiqsiñäqsipluni. <sup>36</sup> Jesus-ηum tiliñiğai uqaqunxitlugich, aglaan iñiqtiğaluaqtitlutin uqapsaağniqsut tamarrumuuna

uuma savaagikkanjagun. <sup>37</sup> Quvigutchallapiagniqsut nipliqhutin, “Ilaa savaaqqaqtuq supayaamik pillaautaqlugu: tusaallailaat tusaatlasiplugich suli uqallaitchuat uqatlasiplugich.”

## 8

### *Jesus Niġipkaiñiqsuq 4,000 Aġutinik*

<sup>1</sup> Taipkunani uvlni iñugiaktuat iñuich katiniqsut. Niqiksraitmata, Jesus-ñum tuqlugnigai maliguaqtini iñmiñun, aasii nipliutiplugich, <sup>2</sup> “Uvana ilunjugigitka iñugiaktuat iñuich, atakkii nayuutirut uvaptikni piñasuni uvlni niqiksraigutiplutiñaasiñ; <sup>3</sup> uvana aullaqtitkupkich niġipkaġaluägnagich ilinjich taaqtukkaġisirut apqutmi. Ilanjich aggigñiqsut unjasisksuamiñ.” <sup>4</sup> Jesus-ñum maliguaqtaiñ kiuniġaat, “Nakikħami maani iñuiħħami qaqquqtugisivat taatnatun iñugiaktigiruat iñuich niġisuiġutin?” <sup>5</sup> Tarra apiqsruġnigai, “Qapsiñik qaqqiajuranik piqaqpisi?” Kiuniġaat, “Tallimat malgħuñnik.” <sup>6</sup> Tarra tiliñigai iñuich aquvitqupluginh nunamun; aasiñ tigukamigħiċċi tallimat malġuk qaqqiajurat quyyavigħeqqaqħlu Agaayyun, avguqlugħiċċi qaqqiat qaiññigai maliguaqtimiñun autaġġutitqupluginh iñuñnun. Aasiñ piñigaat taamna. <sup>7</sup> Taapkua piqaqmiñiqsuttuuq mikiruuranik iqalugauranik. Jesus-ñum quyyatiplugich tiliñigai maliguaqtini tamatkuaptuuq autaġġutitqupluginh. <sup>8</sup> Iluqatin iñuich niġiñiqsut niġisuiġataqħutin. Maliguaqtit ilakut pukukmatigħiċċi immiġñiġaħiċċi tallimat malġuk aguupmaħiċċi. <sup>9</sup> Taapkua niġiruat iñugiaktilaaqaqħniqsut 4,000

iñuich. Jesus-ñum aipkaqqaaqkugich <sup>10</sup> ikiniqsuq umiamun maliġuaqtiniļu tiksiqhutinj nunajanun Dalmanutha-m.

*Iñuich Qasiļiñiqsut Quviqnaqtuamik Savaamik*

<sup>11</sup> Pharisee-ñuruat aggiqhutinj uqavaaġutiaqsiłgiññigaat Jesus uuktuaqsaġuklugu, "Savaaqagiñ quviqnaqtuamik. Taavru-muuna iłitchuġipkaġumigaatigut Agaayyutim tuyugipiaħhanik ilipnik." <sup>12</sup> Aniqaqqapagataqħuni Jesus-ñum qatmigiliutiniġai nipliħħuni, "Uvvali ukua tautugukamiñagħlaan quviqnaqtuamik! Nipliutigipsi, Makua iñuich tautukkumiñaitchut quviqnaqtuanik savaanik nalupqinaiġtaulugu kisuutilaamnik." <sup>13</sup> Taatnaqqaaqħuni uniññiġai. Ikipluniasiñ umiayamun aullaġniqsuq taavrūma narvam siñaan igħluanun.

*Kanjiqsitlaitchuat Maliġuaqtit*

<sup>14</sup> Maliġuaqtai aullaqaminj piiguqtigniqsut qaqqumikunniñ agħlaan atausiħħiñaq qaqqiażuraq taquaġiligniġaat. <sup>15</sup> Jesus-ñum tiliñiġai, "Qaunagiyumausi puvlaksautaatiñi Pharisee-ñuruat suli puvlaksautaaniñ taavrūma Herod atanġum." <sup>16</sup> Taapkua uqaqtuyaagaqsiñiqsut avatmun, "Una uqaqtuq taavruminja taquanjiñapta qaqqiamik." <sup>17</sup> Jesus-ñum ilisimalgiññiġai kanjiqsitlaħħatigun. Uqaqtuaq ilisautriħħatnik Pharisee-ñuruat suli suraġħalħanik Herod-ñum, taapkual uqaqhutinj taquanjiġmiknik qaqqumik. Taatnaqħuni apiqsruġniġai, "Suvaata uqaqtuyaagaqsiłgħitpisi akunnapsitni qaqqumik taquanjiñniplusi? Kanjiqsin itpisisi? Puqiisigivisi taatnatun?" <sup>18-19</sup> Iriqaġaluaqħusi

qiñilguitchusi suli siutiqaǵaluaqhusi tusaalguitchusi. Itqaǵiňińiqpisiuň tallimat qaqqiat niǵipkautikapkich 5,000 ińugiaktilaaliňnun? Qapsiňik aguupmaňnik immiuvisi ilakunik katitchikapsi?” Tamatkua kiuniǵaat, “Qulit malǵuňnik.” <sup>20</sup> “Suli niǵipkautikapkich tallimat malǵuňnik qaqqiat 4,000 ińugiaktilaaliňnun aasiň ilakugikkanich pukukapsigich qapsiňik immiuvisi aquupmaňnik?” Tamatkua kiugaat, “Tallimat malǵuňnik.” <sup>21</sup> Ilaan nipliutigai, “Suvaatami kanıqsilguitkaqsilgitpisi?”

### *Jesus Iluaqsipkaińiqsuq Qińitlaiłamik Bethsaida-mi*

<sup>22</sup> Tikitmata Bethsaida-mun, tavrunjautiniǵaat qińitlaitchuaq ińuk iniqsruqługuasiň iluaqsitquplugu. <sup>23</sup> Jesus-ňum tiguplugu qińitlaitchuaq ińuk argai-gun, tasiuqługu annisiniǵaa nunaaqqimiň. Aasiň tivvuaqtuqqaaqługik irrak patinjiǵik argańmiňik nipliutipluguasii, “Sumık qińitlasińińipich?” <sup>24</sup> Ińuk tautuňniagaqsińiqsuq nipliqhuni, “Uvana tautukkitka ińuich atrıqaqługich napaaqtunik pisuktuatun.” <sup>25</sup> Jesus-ňum ilitqinjiǵai argagikkani irraknun, taututqiksaqamiasiň taamna iluaqsińiqsuq. Takpiksilginińiqsuq. <sup>26</sup> Qińitlasipkaanikamiuň Jesus-ňum uqautiniǵaa, “Aillaagiň, aglaan nunaaqqimun utiqtigniagnak.”

### *Peter-m Uqautiniǵaa Kisuuutilaanya Jesus-ňum*

<sup>27</sup> Jesus aullaǵníqsuq piqatigiplugich maliǵuaqtini nunaaqqiňun qanińjanun Caesarea Philippi-m. Igliqtuałığmikni apiqsrugniǵai, “Kisuunivatňa makua ińuich?” <sup>28</sup> Tamatkua kiuniǵaat, “Ilańisa ińuich John Paptaaqtitchirauniplutin, ilańisa Elijah-ňuniplutin, atlatlu

sivuniksriqirauniplutin iñilǵaanimma, itna uqaǵaqqtut.”<sup>29</sup> Ilaan nipliutigai, “Ilipsimi kisuunivisitña?” Peter-m kiuniǵaa, “Christ-ńjurutin Agaayyutim akiqsruutigikkańa.”<sup>30</sup> Jesus-ńum tilińigai uqautitquńitlugu kimun-unniiń.

*Jesus-ńum Uqautiginigaa Tuqulıksraniļu  
Ańipkakkaulıksraniļu*

<sup>31</sup> Tavra Jesus-ńum ilisautiuraagaqsińigai maliguaqtini, “Igńiňa Iňuum nagliksaaqtuk-srauruq, suli sivulliuqtigruat suli qauklińisa agaayuliqsit suli aglaliqirit ayakkisigaat. Tuqutkisigaat, aglaan pińayuakun uvlut ańipkakkauqisiruq.”<sup>32</sup> Nalupqinaiyautigai tamatkuniňa. Peter-m saniqpaktaağutillaklugu uqautiniǵaa Jesus taatnatchińik uqaqunıtlugu. <sup>33</sup> Jesus-ńum takullakkaluqaqamigich maliguaqtini ińiqtigniǵaa Peter, “Tuungaaq, aullaǵiń uvamniń atakkii isumańitchutin Agaayyutim isummasianik aglaan ińuich isumańatnik.”

<sup>34</sup> Jesus-ńum tuqluqmińigai iñugayaat iñymińun maliguaqtimińunlu nipliutiplugin, “Kisupayaam maligukkumiňa suksraaqtaksraigigaa pisułlı, iqsroutilugu sannigutani aasiń maligluna. <sup>35</sup> Atakkii kisupayaam annińiniağumiń ińuułlı tammaigisigaa aglaan kisupayaam tammaiýumiń ińuułlı pigiluna suli pigilugu tusaayugaallautaq anniqsuǵiakun, taamna ińuugisipiaqtuq. <sup>36</sup> Iňuum pińnaktaağilhińaugaluąǵaa suurapayaanja marruma nunam, aglaan tammautigisigaa ińuutchii. Sakuuńuraǵniałha atuǵumińaitchuq sumun. <sup>37</sup> Tarra sim-miutiksraitchaa iňuum ińuutchii. <sup>38</sup> İlapsi

kanñugivalukkaatŋa ilisauittutitkalu sivuǵaatni iñuich killuuruat sayuŋaruaatl. Taatnatun Iğñiŋan Aŋutim kanñugigisipmigaaptuuq utiǵumi kamanautıqaguni aapamisun piqasiǵuni ipqitchuanik isaǵuliŋnik.”

## 9

<sup>1</sup> Suli iłaniǵai uuminja, “Ilumutuuruamik nipliutigipsi, Ilańich marra iñuich tuquyumiňaitchut qinińjaińjaan Agaayyutim añaayuqautaa sańŋigun.”

### *Jesus-ŋum Atlańjuqtı́lha*

<sup>2</sup> Kińuagun itchaksrat uvlut Jesus-ŋum kayunjiǵnígai Peter-lu, James-lu John-lu aasii sivulliaqsiplugich iğgimun kisiisa. Qińiqtitlugich Jesus atlańjuǵniqsuq sivuǵaatni. <sup>3</sup> Atnuǵaanji qivliqisiraraqhutinj qatiqsiplutinj aniyutun, kia-unniń nunami salummaǵumiňaitkai qatiqsitlıgluglughich. <sup>4</sup> Tavraknejatchiaq tamatkua qiniǵmińiǵaich Elijah-lu Moses-lu uqaqatigiaqsipmatku Jesus. <sup>5</sup> Tarra Peter-m nipliutiniǵaa Jesus, “Ilısautrii, nakuunayaqtuq uvani ittuńňagupta. Nappaitquguptigut nappaińayaqtugut piňasunik palapkaaksranik, atautchimik ilipnun, atautchimik Moses-mun suli atautchimik Elijah-mun.” <sup>6</sup> Peter qanuǵviiłlapiaǵniqsuq tupanapluni, taatnaqhuni ilisimanǵińňiqsuq sumikunniiń uqaǵikkagaǵmińik. <sup>7</sup> Taatnaqsaqtitlugich nuviyam qulańiutiniǵai. Nipi nuviyamiń tusaqnaqsińiqsuq itnaqhuni, “Taamna ilaańjuruq piqpagikkaga Iğñiǵa, naalaǵniyumagiksi!” <sup>8</sup> Taapkua alaqtaaqsimata ilagikkak qiniǵnaińjanikińiqsuk. Qińińhińaǵniqsut kisianik Jesus-mik.

**9** Iluqatinj atqaaqsikamij taavrumaknja iiggimiñ Jesus-ñum tiliñigai uqautigitquñitlugich qiniñkananit Igñiñjan Anjutim anitqiñhanunaglaan. **10** Tamatkua tusaakamitruñ tillisaa qanuqsaǵviitkaluaqhutinj apiqsruqtuutiaqsiñigaat avatmun, “Qanu-utauruaq una anitqiñiq tuqumiñ pivaun?” **11** Tavra apiqsrugniñaat Jesus, “Suvaata aglaliqirit uqaǵguuvat Elijah aggiqsuksrauniplugu sivulliuluni?” **12** Kiuniñgai, “Tavra Elijah aggiqqaǵniaqtuq Christ-miñ itqanaiyaǵlugich supayaat. Uvvasuli aglausimaruaj Igñiñja Iñuum nagliksaallapiaqtuksraugisiñiplugu suli suksraǵingiǵisiñiplugu iñsuñun. **13** Aglaan nipliutigipsi, Elijah aggianiktuq. Iñuichaasiñ anallaqlukkaat qanupayaaq, tuvraqlugu aglausimaruaj ilaagun.”

*Jesus Nakuqsipkaiñiqsuq Nukatpiagruymik  
Irrusiqłulijmik*

**14** Tamatkua utiqaminj atlanun maliguaqtaiñun tautuñniǵaich iñugayaat suli aglaliqirit uqavaaqtuat maliguaqtinun. **15** Iñuich tautukamitruñ Jesus quvigusullapiaqhutinj aqpaliksruqjhutinj ilaanun paagnigaat. **16** Ilaan aglaliqirit apiqsrugniǵai, “Sumik uqaqtuyaǵutiqaqpsi?” **17** Ilañata iñugaǵgruich nipliutinigaa, “Ilisautrii, tikiutriruña igñiǵikkamnik irrusiqłuqqaqhuni uqatlaiqsitlugu pitchańjanik. **18** Irrusiqłuum anjalataǵipmagu ulǵutkaa nunamun. Ilaa qiluraǵallapiaǵaqtuq, innuliqipluni qaniǵmigun, tiriqulaplugich kigutini suli tikkaksillapiaqhuni iluqaqǵmi tuquruuatununniiñ. Uqautigaluagítka maliguaqtinj anitquplugu

aglaan taatnalguiññigaat.” <sup>19</sup> Tavrali Jesus-  
 ñum nipliutiniğai, “Aatai, ukpiqqutaiññiaqpat  
 ilipsitñi! Qanutunaglaansuli nayuğniaqpisi?  
 Qanutunaglaan iglütuqtaksrağıvisi? Taamna  
 nukatpiaq uvuñautisaqsiuñjata.” <sup>20</sup> Iñuich Jesus-  
 muutiniğaat. Irrusiqłuum tautupqauraqamiuj  
 Jesus, nukatpiağruk qiiqsruqtitkaqsiñigaa.  
 Ulğupluni nunamun aksralikhuni innuliqu-  
 aqsiñiqsuq qaniğmiñi. <sup>21</sup> Jesus-ñum apiqsruğaa  
 aapaña, “Qañaaglaan taatnailiva?” Taavruma  
 nipliutigaa, “Imma iłilgauraulığmiñiñaglaan.  
<sup>22</sup> Akulaiqługu irrusiqłuum tuquñniaqsimaga  
 igitqataqługu iknığmun suli imığmun. Pitlagupku  
 surağallañniağuqtuq! <sup>23</sup> Iłunñugillañniağuta  
 ikayuqtigut!” <sup>24</sup> Jesus-ñum uqautiniğaa,  
 “Arguasuktuklsruñitchutin pitlanılıñja.  
 Ukpiqsriłhiñağuvich supayaaq piłhiñauruq!”  
<sup>25</sup> Tavrauvaan aapaña iłilgaam kappiañaruq  
 nipliğhuni, “[Ataniiq.] Ukpiqtuña. Ikayuñja  
 ukpiqsrisiqatluquluña!” <sup>26</sup> Jesus-ñum qiñigai  
 iñuich utlaktigikkani. Iñiqtiğaa irrusiqłuk  
 itnaqhuni, “Uqallaitchuaq suli tusaallaitchuaq  
 irrusiq, anitqugikpiñ uumakña nukatpiağruñmiñ,  
 aasiiñ isitqisunuñaqnak.” <sup>27</sup> Irrusiqłuk iğiallaksaqtuq  
 qilurağaqtitlugu taamna nukatpiağruk, aasiiñ  
 uulillaktitlugu aniruq ilaaniñ. Taamna  
 nukatpiağruk tuquñjaruatun iłiliqtuq. Iñuich  
 uqaaqsiñiqsut, “Ilaa tuqqliqtuq.” <sup>28</sup> Aglaan Jesus-  
 ñum tiguplugu argaigun ikayuqługu makitinniğaa.  
<sup>29</sup> Jesus isianikman tupiğmun malığuaqtaiñ  
 apiqsruğniğaat kisiñjuğutiplugu, “Suvaata  
 anilguitpisigu taamna irrusiqłuk?” Ilaan

kiuniġai, “Agaayuħiňalikun piliqillapiaqhuni [uisauraalikunlu] anitlagaa taatnasiq irrusiġ.”

*Jesus Uqautigilgitkaa Tuqqutauļiksranilu  
Anejpakkauļiksranilu*

<sup>30</sup> Taavrumakħaqħutiż Galilee-kuaġniqsut. Ilisimatqujnejnīgħaa kimun-unniż-naniitilaani,  
<sup>31</sup> atakkii ilisautrisukħuni malīgħaqtımıñik, itna, “Iñu ich tigugisigaat Iġniżja Iñnum tuqulluguasiiż. Tuqqutaujanikkumi piñayuakun uvlut taamna aنجitqikkisiruq.” <sup>32</sup> Aglaan malīgħaqtaiñ kanjiṣiż-niġħaat uqaaqtuutigikkanja, taluqsraqħutiż-żażżejjhaapiqsrua galguiż-niġħaat Jesus.

*Kiňa Kamañaġniqsrauva?*

<sup>33</sup> Tavra tikiň-niċċi Capernaum-mun. Tupiġmi ill-aġġminj Jesus-ħum malīgħaqtini apiqsruġniġai, “Sumik uqaqtuyaagħuti qapċi isglau l-laptikni?” <sup>34</sup> Kiunjeż-żiġiġaat atakkii iglaullaġġi uqaqħaqħutiż avatmun nalligmiknik kamañaġniqsrauniaqmagaan. <sup>35</sup> Ilaan tarra aquvitluni tuqluġniġai qulit malġuich malīgħaqtigikkani nipliuti plugħi, “Kiňa iñuk sivulliusukkumi aqulliuruksrauruq savaktiġu qmilu ilu qanġi tħun.” <sup>36</sup> Aasii qinđi uaqnigħaa il-lilgħaq inillakķlu akunġatnun, saġħiriuti plugu itna qħalli, <sup>37</sup> “Kisupayaam akuqtuġġumi uqbiex qiegħi, suli kisupayaam akuqtuġġumihaaku aqku tħalli uva jaħbiha.”

*Akitňaqtuqtingħitchuaq Uvaptiknun Iłaqillapiaġikput*

<sup>38</sup> John-ħum Jesus nipliutiniġħaa, “Ilisautrii, qinđiġikput una anitchiraġi irruaq irrusiġ-żu jen-

atuqlugu atqiñ. Taavruma iñuum maliguanjitmigaatigut. Uvvaasiñ iñiqtiğikput atakkii maliguaqtiginjılıgu uvaptikni.” <sup>39</sup> Aglaan Jesus-ñum nipliutinigai, “Nutqaqtitnasiuñ atakkii iñuum savaaqaqtuam quviqnaqtuanik atuqlugu atığa uqautigiyumiñaitkaaşa pigiliñuña. <sup>40</sup> Akitñaqtuqtinjitchuaq uvaptiknun ilagillapiağikput. <sup>41</sup> Nipliutigipsi, kisupayaam aatchugumisi qallugauramun imiksrapsitñik Christ pigipmasi akilliusiagıtłasipiağısiga.

### *Killuqsaqusaağutit*

<sup>42</sup> “Kia iñuum killuqsaqusaaqpagu ilanjat makua ukpiqsrisiqaqtuat uvamnik ililgaatun, nakuutlukkayaqtuq taamna qujisiğmiutchiğlıgu uyağakpanmik ipipkaqpan tağıumi. <sup>43</sup> Suli argakpich killuqsaqtitpatin piiğumagitin. Iluatlukkayaqtuq ilipni isiğuvich iñuulığmun argaıllutin uumakja argaqağıtin igluktun aullałiksraqniñ anasiñjuqsağviñmun ikniğmun qamitlailaamun. <sup>44</sup> [Tavrani qupilğut tuquyumiñaitchut suli ikniq qamiyumiñaitmiuq.] <sup>45</sup> Naagasuli isigakpich killuqsaqtitpatin piiğumagitin. Iluatlukkayaqtuq isiğuvich iñuulığmun isigaıllutin uumakja isigaqağıtin igluktun iktaułiksraqniñ anasiñjuqsağviñmun. <sup>46</sup> [Tavrani qupilğut tuquyumiñaitchut suli ikniq qamiyumiñaitmiuq.] <sup>47</sup> Suli ilvich irigikkäqpich killuqsaqtitpatin piiqsiğumagiñ qaqlıığlıgu. Iluatlukkayaqtuq ilipni isiğuvich añaayuqautaanik Agaayyutim atautchimik iriqanqñaqpich uumakja malğuñnik iriqağıtin iktaułiksraqniñ anasiñjuqsağviñmun. <sup>48</sup> Tavrani

qupilǵut tuquyumiňaitchut  
suli ikniq qamiyumiňaitmiuq. *Isaiah 66:24*

**49** “Maanili iňuk iňmiguuraq maki-  
talgutillaakkaugisiruq iknikun. **50** Tağıuq  
nakuruuq, aglaan tağıum tağıuğniqpan  
qanuq tağıuğniligňiaqpisiuň? Taatnamik  
qanusriułqaǵitchi tağıutun, tutqiutiqaǵusi  
akunnapsitňi.”

## 10

### *Jesus Ilısautırıuq Avılıkun*

**1** Jesus aullaqami tavrakňa Judea-muňnqsuq  
igluanun Jordan-ňum kuujan. Tavrani iňuich  
katirvigilgitmatni sivuanisun Jesus-ňum  
ılısautiuraagaqsılgıňňigai.

**2** İlənjich Pharisee-ňuruat tikitlugu  
uuktuaqsaǵniagalualgiňňigaat, “Uvva,  
maliǵutaksrakuagňaqpaa iňuum avitkumiň  
ağnaqtıň?” **3** Taavrumali kiuniǵai apiqsruutmik,  
“Qanuǵmi Moses-ňum tillisiqaqpasi?” **4** Tamatkua  
kiugaat, “Moses aglausimaruq, Iňuum ağnaqtıň  
avitchukkumiň qaitchiqiliň aglaňnik  
avirrutiksranik aullaqtilluguasiiň.” **5** Jesus-  
ňum kiuniǵai, “Moses qaitchiruq taavrumiňa  
tillitmik pitchigiňipsigun. **6** Aglaan aullaǵniihanni  
Agaayyun iňiqlipmansupayaanik iňiqlipmiňiqliqsuq  
anutmik suli ağnamik. **7-8** Taatnamik aňutim  
unitkisigaa aapaniļu aakanıļu, ağnamiknun iļiļuni  
atausinjıǵutikaasiiň. Tavra malǵuuňjaǵutik  
aglaan atausriňjuǵisiruk. **9** Taatnamik kia-  
unniň iňuum avitinniaqnagik Agaayyutim  
atautchimuktitaǵikkak.”

**10** Isiqamiñ tupiğmun malığuaqtaiñ apiqs-rutqilgiññigaat taavrumuuna. **11** Jesus nipliutigai, “Kisupayaaq avitchumi aǵnaǵmiñiñ aasiiñ kasuutiluni atlamuñ atlatuqtuq akitñaǵlugu aǵnaqqaaqtinj. **12** Naagaqaa aǵnam avitchumiñ aŋutni aasiiñ kasuutiluni atlamuñ taamna aǵnaq atlatuqtuq.”

### *Jesus-ŋum Agaayyutigai Ilılgaurat*

**13** Ilaŋisa iñuich ilılgaat Jesus-muutiniǵaich aksiqupluginch. Malığuaqtaiñaasiiñ iñiqtaqsiñiǵaich iñuich tikiutriruat ilılgaanik. **14** Jesus-ŋum ilıtchuǵikamigich iłuaginjińníǵai. Nipliutiniǵai, “Ilılgaurat uvamnuktitchigik. Avriaqutaunagich ilinjıtñun atakkii Agaayyutim aŋaayuqautaa aŋmaruq iñuŋnun atriqaqtuunun ilılgaanik. **15** Itqaǵisiuñ una! Taapkua akuqtuqtuat aŋaayuqautaanik Agaayyutim ilılgaurat akuqtuipmatun, kisimiñ taapkua tavrunjaǵisirut.” **16** Tarra ilaan saǵliriutikamigich ilılgaat, iłiplugich argańi ilinjıtñun agaayyutiniǵai.

### *Nukatpiaq Sullińauraauqaqtuaq*

**17** Jesus aullapqauraqman iñuum aqpaliqs-ruqhuni purviginigaa itnaqlugu, “Nakuuruaq ilisautrii, qanuǵluña pińńaktaaqatlasińayaqpiк isuitchuamik iñuulıǵmik?” **18** Jesus-ŋum apiqsruǵniǵaa, “Suvaata atchiqpiňa nakuuruamik? Atautchižhiňaq nakuuruq, taamna Agaayyun. **19** Ilisimagitin tillisauruat, ‘Iñuaqtuqnak, atlatuqnak, tigliktuqnak, saglunak, saglutaqnak, kamagilugu aapan suli aakan.’” **20** Taavruma iñuum kiugaa, “Ilisautrii, iluqaisa tamatkua tupigigitka nutaułlamnińaglaan.”

**21** Tavra Jesus-ŋum tautuŋniġaa piqpaksriłikun itnaqługu, “Atautchimik inuġniqsutin. Aullağutin tunityakkich sulliñipayaağikkatin aasiñ qailugich maniñňaktatin inuqsraqtuanun. Ilvilli umialgutiqaqumautin pakmani. Aasiili taatnaanikkuvich maligluja.” **22** Iñuk tusaakami taavrumiña aliasulığniqsuq, aasiiñ aullağniqsuq iluilliuliqhuni atakkii suuraupkaqpaitluni.

**23** Jesus qiñiqtuağataǵaluaqamigich nipliutiniġai maliġuaqtini, “Qanutun sakiqnaqtigigisiva tamatkunani umialguruani isiłiksrańat Agaayyutim añaayuqautaanun.” **24** Maliġuaqtai quviġusunjiqsut taavrumiña nipliqman. Aglaan Jesus-ŋum nipliutitqiňniġai, “Ililgaat, qanutun sakiqnaqtigiva [umialguruani] isiłiksrańat Agaayyutim añaayuqautaanun. **25** Qaġanatlukkayaqtuq pikkturuam isiłiksrańa ‘Iraagun Mitqutim’ uumakħa umialguruamiň isiġniałiksrańaniň Agaayyutim añaayuqautaanun.” **26** Maliġuaqtai quviġutchallapiağniqsut, suli apiqsru-aqsiplutiň iñmiknun, “Kiñami anniqsuġisiňiqpa?” **27** Jesus-ŋum qiñiqamigich iriğruiňaqługich nipliġniqsuq, “Iñuk anniqsuġumiňaitchuq iñmiňik, aglaan Agaayyutim kisimi anniqsutlagaa atakkii Agaayyutim supayaaq savaaġitlaplugu.” **28** Tavra Peter-m nipliutiniġaa, “Ataŋii, unitchikput sua iluqaan malikhutin.”

**29-30** Jesus-ŋum kiuniġaa, “Nipliutigipsi, Iñuk unitchiyumi kiŋuniġmiňik, aniaqatmiňik, aapamiňiglu aakamiňiglu, qitunġamiňik, unniň umialgutmiňik pigiluja suli pigilugu tusaayugaağiksuaq, tamatkua utiġisirut iluqaitňik

ilaanun tallimakipiatunaglaan marrumani iñuułigmi piyuaqsiugaluaññaǵmiunniñ, suli pigigisipługu iswitchuaq iñuułiq sivuniǵmi tikiumaraksrani. <sup>31</sup> Tamatkua sivulliunasugiruat pakma aqulliǵı̄sı̄niqsut aasiiñ aqulliuruat sivulliǵı̄gutinj.”

*Jesus-ŋum Piŋatchigńiǵai Uqaqallı Tuqqutau-niaǵmińiglu Aŋitqikkaułiǵmińiglu*

<sup>32</sup> Ukua iglıńiqsut tuňaanun Jerusalem. Jesus-ŋum sivulliuqtuagnıǵai malığuaqtit kapyalıllaktuat. Atlat iñuich maliqsrutuqt iqslıllaktut. Aasiiñ katitaallakamigich qulit malǵıuch iñugiaktigiruat ugautiaqsilgińńiǵai tamatkua atuumaruaksrat iñmińun, <sup>33</sup> nipliqlihuni, “Atanji, Jerusalem-muñniaqtugut. Iñuum aatchuutiniaǵaa Igńiňa Iñuum qauklinjıtňun agaayuliqsinun aglaliqirinunlu. Tamatkua tuqqutaksraǵuǵnińiǵaат. Tavrali qaitkisigaat Jew-ŋuńitchuanun. <sup>34</sup> Taipkua mitautigigisigaat suli tivvuaqtuğlugu suli anaumigmılugu, aasiiñ tuqqutkisigaat. Aglaan pińayuakun uvlut aŋitqikkisilgitchuq.”

*Aakauruam Iniqsruańa*

<sup>35</sup> James-lu John-lu, iğńak Zebedee-m, utlautiniqsuk ilaanun nipliqlihutik, “Ilisautrii, apiqsrutiksraqağıptigiń pisullapiakkaptiknik.”

<sup>36</sup> Tavra nipliutiniǵik, “Suqaǵukkaluaqpisik?”

<sup>37</sup> Taapkuak kiuniǵaaak, “Aquppiqasrıǵukhutin uvvaami ilaqtikpuk taliqpikńi suli ilaqtikpuk saumipni pigaluaqtuguk taivrumani uvumi aqvıvitkuvich kamanaqtuanı atanǵuvipni.”

<sup>38</sup> Aglaan Jesus-ŋum nipliutigik, “Ilisimaniǵuptiku

apqusaagaksrautigikkaġa apiqsruġaya itpaluktutik taatna. Imiħhiñauvitku qallun imiġviksrautigikkaġa naagaqaa apqusaaħħiñauvitku naħinnaqtuaq apqusaagaksrautigikkaġa?”<sup>39</sup> Taapkuak malġuk nipliutigaak, “Piħhiñauruguk.” Jesus-ħum nipliutigik, “Iliptik iż-żemutun imiġisirutik alianaq-tuamik imiġaksrautimnik suli apqusaagħiġi plistik naħinnaqtuakun apqusaagaksrautipkun.<sup>40</sup> Aglaan piksraqtuksraunjiċċuha kimik aquppiruksramiċ taliq-pimni unni ħi saumimni, aglaan Agaayyu qaiññiagiġ taapkuak inik tamatkunu ja iñu ġejnun itqanaiya utikkaġmiñun inigitquplugin.<sup>41</sup> Atlat qulit tusaakamitruj iluagiñiñiġaich James-lu John-lu.<sup>42</sup> Jesus-ħumli iñjni uutiniġai aasiiñ nipliuti plugiċ, “Ili simarusi ajanjaliniċi Jew-ħnejnji ġitchuat ajanjalanni gluga qtilaa ġatnik iñu jidher, suli kamanaġniqsraنجisa naqitħchu uplugin.<sup>43</sup> Aglaan taatnatun ittuksraunjiċċuq akunnapsitni. Kisupayaaq kamanagukkumi akunnapsitni savaktigiyumagiksi.<sup>44</sup> Suli kisupayaaq qaukliusukkumi akunnapsitni savautrisuuyum auq iluqapsitni.<sup>45</sup> Iġñi ja Iñnum agġi ġitchuq iñu ġejnun savauti tyagiuni aglaan savauti trityaq huni suli qaitchaqħugu iñuu l-ħi tasuqsautiksra uplugu iñugi aktuanun.”

### *Jesus Qiñit lasit qipkaiñi qsuq Bartimaeus-mik*

<sup>46</sup> Jesus maliġuaqtini lu tikiumaniqsut Jerichomun. Aasiiñ aullal gitnamin Jericho-miñ qiñitlailaq iñjulaura aġġniaqt iaquppiñi qsuq tumitħħa am saniġaani, atilik Bartimaeus-mik iġñi ja Timaeus-ħum.<sup>47</sup> Qiñitlailam iļitchu qliqam iuji Jesus Nazareth-miu apqusaaga qsiñi plugu

tuqļuġaaqsiñiqsuq, “Jesus, kiļuviaŋa David-ŋum, anniqsuqtaurutin Agaayyutim akiqsruutigikkaŋa iŋlīgaanimma. Nagligillanjnianŋa.” <sup>48</sup> Iñugiaktuat iñiqtiġaluġniġaat nipaisaaquplugu, aglaan nipitusipsaġniqsuq, “Kiļuviaŋa David-ŋum, nagligillanjnianŋa.” <sup>49</sup> Jesus nutqaqtiqami tiliñiġai tikiutitquplugu. Tamatkua utlanjniġaat qiñitlailaq nipliutiplugu, “Quviatchauġiġiñ, makillutin. Tuqļuġaatin.” <sup>50</sup> Quyalicpagitluni maksrikami quppiġaġniutigalugu aqpaqsruġniqsuq Jesus-mun. <sup>51</sup> Jesus-ŋum apiqsruġniġaa, “Suvaata akku tuqļullaviŋa?” Qiñitlailam uqautiniġaa, “Iłlisautrii, qiñitlasitqigukkaluaqtuŋa.” <sup>52</sup> Uuma kiugaa, “Itqanaijaniktigniqsuq ukpiqsrilipkun.” Tavrakħatčiaq qiñitlasiñiqsuq. Nakuqṣiliqami maliutigaluguuġniġaa Jesus.

## 11

### *Jesus-ŋum Tikisaalha Jerusalem-mun Ataniqtun*

<sup>1</sup> Qaninjani Jerusalem Jesus iglauqataiļu qalliniqsut nunaaqqiuraaŋnun Bethphage-mun suli Bethany-mun ittuaŋnun iñgiŋjani atiqaqtuam Olives-mik. Jesus tuyuqaġniqsuq malġuŋnik maliguaqtimiñik nipliutiplugik,

<sup>2</sup> “Nunaqqiuramukkitik. Taamunaasii isipqauraġuptik paqitkisigiktik pituksimaruaq nuġġaŋa natmaksiġvium natmaksiġvigimailaq sivuani. Pituiġlugu uvuŋautityatku! <sup>3</sup> Kia iñuum apiqsruqpatik suvaata pituiġnianqmagaan nipliutiyumagiktik, ‘Atanguruam inuġigaa aglaan utiqtikisyaa qilamik.’” <sup>4</sup> Taapkuak tarra aullaġniqsuq. Paqinniġaak natmaksiġvium nuġġaŋa

tumitchiani pituqaqtuaq paañani tupqum. Tarra pituiñigaak. <sup>5</sup> Taatnalu iñuilli qichaqtuat tamaani nipliutigaik, “Ukuqtik, suniaqlugu una pituiqpitku?” <sup>6</sup> Aikliqsuak taapkuak kiggutiniqsuk Jesus-ŋum tillisaatun. Iñuilli taapkua aullaqtinnigaich. <sup>7</sup> Taapkuak taamna nuġġaq Jesus-muutiplugu, aasiiñ quppigaatik mattaqługik iliñigaik taavrumuña nuġġagħmun. Jesus natmaksiqsiñiqsuq. <sup>8</sup> Iñugiaktuat iñuich quppigaatiñ siamitkaqsiñigaich apqutmun, suli il-ħanjiż akiġuiñik napaaqtum navguqługħiċċi illiuqaiñiqsut apqutmun. <sup>9</sup> Iñuich sivuagun Jesus-ŋum suli tamatkua aquagun nippruagaqsiñiqsut, “Hosanna. Nanġaġlakput Agaayyin!

Uvvatuq Agaayyutim pilutiqaġliuñ tikitchuaq piqusiqħuni Ataniġmik. *Psalm 118:25, 26*

<sup>10</sup> Agaayyutim pilutiqaġliuñ taamna ajanlatchiaqsiruaq pakma sivulliaptiktun David-tun.

Nanġakkauli Agaayyun qutchiñiqsrami qilañmi.” *Psalm 148:1*

<sup>11</sup> Taatnatun Jesus Jerusalem-muñniqsuq. Tavruñaqami isiqħuni agaayyuvikpañmun, qiniquaqataġħaluaqami aniñiqsuq. Tanuġaksipluni aullaġniqsuq Bethany-mun piqatigiplugħiċċi qulit malġuk maliguaqtini.

### *Jesus-ŋum Pannaqtitkaa Fig Napaaqtua*

<sup>12</sup> Uvlaakuqman iluqatiñ pisuktuaqamiñ Bethany-miñ Jesus niġisuligħniqsuq.

<sup>13</sup> Tautuñigaas asirrisuuruaq napaaqtuaq uñjavaniñ akutuqpal iqäġniqman. Tarra takuniġga asrirritma jaġiaqħlu. Tikitñamiuñ

suqaġnianġitchuq. Akutuqpalihhiñanik paqittuq atakkii pukunjaq singitlunisuli. <sup>14</sup> Jesus-ηum nipliutigaa napaaqtuq, “Kia-unniñ iñuum asi-aqtuġvigitqikkumiñaitchaatin pakmakjaniñaglaan.” Maliguaqtaiñ tusaanigaat taatnaqman.

*Jesus-ηum Suaqluiyaiħha Agaayyuvikpauramik*

<sup>15</sup> Tikitħamiñ Jerusalem-mun Jesus isilgitchuq agaayyuvikpañmun. Anitkaqṣiligniġai tunisiullaqtuat suli tauqsiqsuktuat taavrumaknej agaayyuvikpañmiñ, ulġutqataqlugillu niġġiviich akiñik simmiqṣuġviich suli aquppiutañiċċ tunisiullaqtuat tiġi maġruuranik tunillautiksrauruani, <sup>16</sup> suli kiňaunniñ akiyaqtitchumiñaiñniġaa tuniaksranik agaayyuvikpakuagliugu. <sup>17</sup> I�isautiniġai iñuich, “Aglausimaruq,

‘Uvaña tupiġa taiyuutiqaġisiruq iñupayaat agaayutyaqtuġviatnik.’ *Isaiah 56:7*

Aglaan ilipsi iriqtuġviliutiniġksi tiglinnijaqtinun.”

<sup>18</sup> Qaukliniċch agaayuliqsit suli aglaliqirit tusaakamitruñ taamna, pakaagiqaqsiñiġaa qanuq taimma piyaqquġuklugu. Nuyuagliutiniġaa atakkii iluqatinq iñuich quviġusuutigiplugich Jesus-ηum i�isauṭtutai. <sup>19</sup> Unnuksraaqman Jesus aullalgiñniqsuq nunaaqqimiñ piqatiqaqhuni maliguaqtimiñik.

*I�isaaksraq Pannaqluktuamiñ Napaaqtumiñ*

<sup>20</sup> Suli uvlaaġuqman apqusaaqamien taututqiñiġaa asirrisuuruaq taimħa napaaqtuq. Pannaqluġniqsuq kañituummaġmi. <sup>21</sup> Peter-m itqaqtilgiñniġaa imħa atuumaruaq aasiñ nipliutiplugu Jesus, “I�isautrii, asirrisuuruaq napaaqtuq piunillaqlsruqtikkan paniqtigħniqsuq.”

**22** Jesus-ŋum kiugai, “Ukpiqsrisitchi Agaayyutmik.  
**23** Iłumutun uqautigipsi, Nipliutigupsiuŋ  
 iigg̊iq, ‘Ki, nuutittin igitaulutiŋ tagiumun’  
 atuumagisipiaqtuq. Taamna nalupqinaitchuq.  
 Ukpiġillapiągupsiuŋ iluqnaugusi taatna  
 atuumagisinilugu, tavra savaaŋupkaħħiňaugiksi.  
**24** Taatnamik nipliqsuňa, qanutchipayaat  
 kipiġniuġutigikkasi agaayyutigigupsigik ukpiġitchi  
 akuqtuġinilugich, suli piginiaġisi. **25** Agaayugupsi,  
 natqigutimaağumagisi ilagikkasi qanutchimik  
 akikħajaqtuutiqaġniġupsi. Taatnaġupsi aapagikkapsi  
 pakmani ittuam natqigutimaağisigaasi  
 killuutipsitñik. **26** [Natqigutrisimaitkupsi  
 iňuňnik atlanik aapapsi pakmani ittuam  
 natqigutiyumiňaitmigaasi killuutipsitñik.]”

### *Kimik Jesus Tuyuġiriqaġniqpa?*

**27** Utitqikkamiň Jerusalem-mun, Jesus  
 isığniqsuq agaayyuvikpaŋmun. Qauklīnich  
 agaayuliqsit suli aglaliqirit suli sivulliuqtigruat  
 tikiňňigaat **28** apiqsruqķugu, “Kia aatchuqpatin  
 aŋalatchiļigmik savautiplutin tamatkunija? Kia  
 saŋjiksriňňiqpatin taatnatun?” **29** Jesus-ŋum  
 kiuniġai, “Apiqsruġniaġipsi atautchiħiňamik  
 apiqsruutmik. Kiulgugupsitja uqautigisigipsi  
 aŋalatchiļikun tamatkunija savalgutilaamnik.  
**30** Nakitña John aŋalatchiļinikpa ilaan  
 paptaaqtitchisilaajanik? Agaayyutmiň  
 naaga iňuňniň? Uqautisitja.” **31** Taapkua  
 uqqaağiaqsiňiqsut iňmiknun, “Kiuguptigu  
 pakmakħajtauniługu nipliutigisigaatigut,  
 ‘Suvaatami ukpiġiňňiqpisuň John?’  
**32** Naagaqaa uqaġumiňaitchugut aŋalatchiļha

iñukmiqnisauniługu.” Ilinisa sivuuğaginiğaich iñuich, atakkii iñupayaaq ukpiğipiağniğaaq John sivuniksriqirauniługu. <sup>33</sup> Taatnagaluaqaminj kiułhiñağniğaat Jesus, “Uqautilguiññiğiptiğin.” Jesus-ηumli kiugai, “Uvaŋaptuuq uqautiyumiñaitmiñigipsi nakikja anjalatchiñinikluna tamatkuniña savaaqqaqtalaamnik.”

## 12

### *Atrikusaun Nautchirriqiritigun*

<sup>1</sup> Tavrali Jesus uqautriñiqsuq Pharisee-ñuruanik atrikusautmik. “Unaguuq iñuk nautchiiviqağniqsuq. Nautchirriğviliuğniqsuq, sapukutchiqługu avataagun, nivakhuni misuğuliuğviksramik, nappaipluni nasiqsruğviñmik, tarraasiiñ atukkirrutigiplugu nautchirriqirinun, Taatnaanikami aullağniqsuq uñasiksuumun nunamun. <sup>2</sup> Katitchiñaqsipman nautchiiviqaqtuaq tuyuqağniqsuq savaktaağrukniämik atugaksraq-tuanun piññaktaaksrautni aitquplugu ilinjitiñiñ. <sup>3</sup> Tamatkua taamna tigukamitruñ anaulığniğaat, aullaqtitluguasiiñ saagailaaqługu. <sup>4</sup> Una tuyuqatqiññiqsuq atlamic savaktimik. Aasiasii tamatkua atniaqługu niaquagun, aullaqtinniğaat uqapılıutiplugu. <sup>5</sup> Tuyuqatqiłgiññiqsuq atlamic. Maatna tamatkua tuqunniğaat. Tarra iñugiaktuat atlat tuyuğikkanji iñuum nañititqatapiaqtığıñigaich, ilanjich anauraağaqługich, atlat tuqquttaqługich. <sup>6</sup> Uvvaguuq taamna nautchiiviqaqtuaq atautchimik iğñiqağniqsuq piçpagikkäğmiñik. Aqulliuplugu tuyuğiniğaa itnaqhuni, ‘Tamatkua taluğigisivalukkaat igñiğikkağa.’ <sup>7</sup> Aglaan taapkua

nautchiiriqirit ij̑miknun uqaġniqsut, ‘Taamnauvva paitchaktaaksralguruq. Ki, tuqullakput, aasii paitchaktaaksrataa piyumagikput.’  
**8** Atugaksraqtuaat tiggūqluñniġaat iġñiña, aasiñ tuqqutlugu iginniġaat taavrūmakaġja silataanun nautchiivium.  
**9** Qanuġniaqpa iñua nautchiivium? Utigisiruq tuqqutchaġluginiġat taapkua nautchiiriqirit. Qaitkisigaa nautchiivik atlanun atugaksraqtuanun.  
**10** Agliqisimasruknaġaksi Agaayyutim uqaħha:

‘Uyaġak tuppīrit ayakkajat,  
 taamna uyaġak piitchuiġġapiaqtaq  
 tuppirauni.

**11** Taamna atanġum savaaġigaa  
 suli quviqnaqtuañunasugikput.’” *Psalm 118:22, 23*

**12** Jew-ηuplutiñ sivulliuqtit ilisimaniġaat uqaaqtuutigiplugu atrikusautmik akiknejaliqtin. Taatnaqługu tigusuliqpiavsaagaluaġniġaat Jesus maatna aglaan taluqsraġniqsut iñuñnik. Aasiñ qanuusiksraiqaġmien uniñniġaat.

### *Akiliaksrapiatigun Tax-sinik*

**13** Jew-ηuplutiñ sivulliuqtit tuyuġiniġaich ilanjich Pharisee-ηuruat suli Herod-kuaqtuaat pitchaquplugu Jesus apiqsruqtuutinik.

**14** Tikiumakamiñ nipliutiniġaat, “Ilisautrii, ilisimarugut nalaunħaruañutilaaqnik sugisuñaq nagu qanuq iñuich isummatiqaqtilaanja. Suginxitmiñ iñuum suurautilaanja, aglaan ilisautrirutin Agaayyutim iñuuniaġvigitqukkajanik. Maliġutaksrakuaqnaqpa akiliiruni tax-sinik Caesar-mun Rome-mi?  
**15** Akiliiruksrauvisa tax-sinik naaga akiliñianjtpisa?”

Aglaan Jesus-ηум ilisimanigaa ukpiñjuagutaat nipliutiplugich, “Suyaata uuktuaqpisitja? Kiata aatchuqositja qiniillaaksramnik maniñmik!” **16** Tamatkua aatchuqmatni maniuramik apiqsruñniñgai, “Kisumik atriqaqñiqpa?” Kiuniñgaat, “Caesar-mik.” **17** Jesus-ηум nipliutiniñgai, “Utiqtitchumagiksi pigikkaña Caesar-m sua-samna ilaanun, suli Agaayyutmun sua-samna pigikkaña Agaayyutim.” Tamatkuatarra quviñusuutiginiñaat nipliutipmatin taavrumiña.

### *Apiqsruun Añipkakkaulikun Tuquñigmiñ*

**18** Tavra ilaqich Sadducee-ñuruat Jesus-muñniqsut, taapkua nipliguuruat tuquruat anitqitlaiññiplugich. Ilinisa apiqsruñniñaat, **19** “Ilisautrii, Moses-ηум uqautigaatigut maliğutaksrakun itnaqhuni, Añun ilaqatiqaqtuaq tuqukpan qitungigaluaqani, taavruma añutim aniqataan ilaqatniktaaqiraksraqiniñgaa uilgañnaq qitungisiñugu añutmik ilisimanaguniasiiñ tuquruam qitungagitätilaañanik. **20** Uvva uqaaqtauñjurut itna, Ilaatniguuq tallimat malguich aniaqatigiich. Añayuklrium nuliağıliutiniñgaa una ağnaq, tuqupluniasiiñ qitungigaluaqani, **21** suli tuglian nuliağıliutilgiññigaa taamna ağnaq aasiñ tuqlugitluni qitungigaluaqani, taatnatunsuli piñayuak. **22** Tarra taatnatunsuli tallimat malguich nuliaqiniñaat qitungigaluaqatiñ. Aqulliupluni ağnaq tuqupmiñiñiqsuqtuuq. **23** Taivrumani añitqiñigmi makitqikkumiñ nalliyata nuliağıgisivañ? Atakkii iluqatiñ tallimat malguich nuliaqiniñaat.”

**24** Jesus-ηум kiugai, “Naluniqpisiuñ nalaunqiliqsi? Naluniqiksi Agaayyutim uqalha

aglausimaruuaq ilaanlu sañjia. <sup>25</sup> Tuquñaruat anitqikkumiñ atrigisisigaich isaǵulgich atakkii ilaqaqtniktułiq itchumińaitchuq pakmani. <sup>26</sup> Agliqisimasuknaǵiksi makpiǵaaŋiñi Moses-ŋum anitqiǵikun tuqułigmiñ —Agaayyutim nipaa tusaǵnaqtuq ikualaruamiñ uqpigauramiñ itnaqhuni, ‘Uvanya Agaayyutaa Abraham-ŋum Isaac-ŋumlu Jacob-ŋumlu’. <sup>27</sup> Kanjiqsimaińńiqsusri. Agaayyutiginjitaat tuquñaruat aglaan agaayyutigiplugu iñuuruat. Taatnamik kinnirusi ilipsitñun.’

### *Kamanaqıqsraŋat Tillisit*

<sup>28</sup> Ilaŋata aglaliqirit tusaaniǵaa Jesus-ŋum uqautigikkaña Sadducee-ŋuruatnun. Iltchuǵiplugu Jesus-ŋum kiggutillautaqałha apiqsruǵniǵaa, “Nalliat tillisit tupigitluktaksrauvu iluqańitñiń?” <sup>29</sup> Jesus-ŋum kiugaa, “Una tilliń piitchuillapliaqtuq, ‘Naalaǵnisitňa, Israel-aǵmiuŋuruasii, Sanjñiruaq Agaayyutvut kisimisauluk Atanǵuruq. <sup>30</sup> Piqpagiraksraǵigíñ Ataniq Agaayyutin iluqaaniñ uummatipniñ suli iluqaaniñ iñuutchipniñ suli iluqaaniñ isummatipniñ suli iluqaaniñ sayagikkapniñ.’ Sivulliuruksraq tilliń tavrataamna. <sup>31</sup> Tuglia taatnatun, ‘Piqpagiyumagiń iñuuniaqatin iliptun ililugu.’ Atlamik piitchuq tillitmik kamanatluktuamik taapkunjanakja.” <sup>32</sup> Taavruma aglaliqirim kiuniǵaa, “Ilisautrii, uqaqtutin ilumutuuruamik. Agaayyutaapiaqtuqtavra atlamic. <sup>33</sup> Iñuum piqpagiraksraǵigaa Agaayyun iluqaaniñ uummatmińiñ suli iluqaaniñ kanjiqsimalığmińiñ, suli iluqaaniñ sayagikkaǵminiñ, suli piqpagilugu

iñuuuniaqatni iñmisun ililugu. Iluatluktuq tupiksiruni taapkuñniña tillisinñik tikiutriñigmiñ nigrüninik suli atlanik tunillautiksranik Agaayyutmun.”  
**34** Taavruma kiupmani isumaturuatuun, Jesus-ηum nipliutigaa, “Ukpiñiñaağuğniğin Agaayyutmun aŋalatchiiñiksran.” Tavraknja Jesus apiqsruqausiksraigñigaat.

### *Apiqsruun Anniqsuqtikun Akiqsruutauruakun*

**35** Jesus ilisautrillağmi agaayyuvikpanjmi apiqsruqiñisraq, “Suvaata aglaliqirit nipliağivat Christ, anniqsuqtı akiqsruutauruaq, kiñuviağıñiplugu David-mun? **36** David, aŋalatlugu Ipcritchuaam Irrutchim, itnağniqraq, ‘Atanğum uqaqtuq Atanimnun:

Aqvittin kamagitchiiviksrapnun  
uvañnun akiiliñiałhatnunaglaan uumigiritin.’

### *Psalm 110:1*

**37** David-ηum iñmiñik taiguutiqaqpagu Atanğuruamik, qanuğmi Anniqsuqtı David-ηum kiñuviağıtlaniqpaun?” İñugaağruich naalağnisuurut Jesus-mik.

### *Jesus-ηum Kilitkuutigigai Aglaliqirit*

**38** Ilisautriligmiñi nipliutigai, “Qaunagiyumagisi aglaliqirit pisuktuatlaturuat akuqturuanik atnuğaaqhutin suli iñuñnun paqlatqusuuplutin tauqsiğñiağviñi. **39** Katragviñitni suli iñuich niğıqpakmata aquppitlaturut nakuutluktuani aquppiutanitni. **40** Ivayaqtuqmigaich uiłgağnaat tupiğikanich, aasiñ agaayuuraalgupmiut sivisuplugu agaayuñjuakun. Tamatkua tamarra anasiñjuusiaqagisirut piługlugu atlaniñ iñuñniñ.”

*Uilgaġnaam Iliराŋa*

**41** Jesus aquvinniċsuq igħuanun il-irrivism aasiiñ tautuktuagaqsipplugich iñuich il-irruat il-irriviżiż. Iñugiaktuat umialguruat il-iriqpañniqsut. **42** Piqaqmiñiċsuq naalgiiktuamik uilgaġnaamik il-irruamik malġuñnik susauraanżnik maniayauraanżnik. **43** Jesus-ņum tuqluġnīgai maliguaqtini nipliutiplugin, “Nipliutigipsi, taamna naalgiiktaaq uilgaġnaaq il-iritluktuq tamatkunakja atlaniñ il-irruaniñ. **44** Iluqatiż atlat piksraqaqhutin il-irrit sippakuuqtuaqhutin, aglaan aqnaq piksrainhaġmi il-irruq tamatkiqluġu iluqaan pigikkani iñuuniutiksraiġluqħuniunniñ.”

## 13

*Jesus Sivuniksriqiruq Piyaqquġniałhanik  
Agaayyuvikpaum*

**1** Jesus aullaaqsipman agaayyuvikpañmiñ, maliguaqtaan īla jata nipliutiniġaa, “Iļisautrii qinīġu. Qanutun piññaqnaqtigivat makua uyagaich marrumani agaayyuvikpañmi!” **2** Jesus-ņum kiugaa, “Quviġusuutigivigħiċċi makua kamanaqtuat tupqich qinikkatin? Kisiñjuqtaqaġumiñaitchuq uyaġaġmik qalliani atlal ulġutauniajitchuamik.”

*Jesus Sivuniksriqiruq Iluilliuġutniglu  
Piyuaqsiuliksrāmiglu*

**3** Aquppiuqtuaqhutin Jesus-lu iġġiñi atiqaqtuaq Olives-miķ akiani agaayyuvikpaum, Peter-mlu, James-ņumlu, John-ņumlu, suli Andrew-m apiqsruġniġa at kisiñjuutiplugu, **4** “Uqautitigut, qakugun tamanna atuumaniaqpa? Suli

sukun ilitchuqqutigun ilitchugigisivisa iluqaġmiñ tamatkua atuumaaqsiġpata?”<sup>5</sup> Jesus-ñum uqaaqsiñigai, “Qaunagiyumausi; kisumun iñuñmun kinnipkaġniasi! <sup>6</sup> Iñugiaktuat tikiūmagisirut atuġlugu atiġa nipliġutij, ‘Uvanja Christ-ñuruña’. Kinnitñikkisirut iñugiaktuanik. <sup>7</sup> Iħuilliuġniaqasi tusaqsraqaġupsi aنجуаñмik maani naagaqaa uŋasikuani. Aglaan isuklitchumiňairgaqtuqsuli. <sup>8</sup> Nunaaqqich akikħaqtuligisigaich atlat nunaqqich, suli atanġuviich akikħaqtuligisigaich atanġuviich atlat, nuna iliqsragisiruq atlakaġiñi nunani. Itkisipmiuq nigisuñnaq suli īħuilliuġliq. Tamarra tamatkua aullagiisaġġisigai nagliksaħħum.

<sup>9</sup> “Aglaan qaunakkiaġikkumausi ilipsitñik. Qaitqataġisigaasi uqaqsittaaqtitchirinun, suli ipiġaqtuġisijaasi katraqvinjñi. Tikiutigisigaasi kav-ħanruanun umialguruanunlu pisigiluña. Tavra piviksraq-aġiñiġusus iļiśimaraulusi. <sup>10</sup> Tamatkua atuumagaluaqtitnagich quljaqtuaġġisigaat tusaayugaġiksuaq iñuñnun nanipayaaq. <sup>11</sup> Qakugun tigukpasi aullautilusi uqaqsittaġviñmun isumaalusuŋaġasi sivuani piviksram sumik uqaksrapsitñik. Taivrumani Ipqitchuam Irrutħim ilisautigisigaasi nipliutiksrapġitñik. Tavra nipliutigiyumagiksi. Taamna Irrusia Agaayyutim uqagisiruq ilipsigun; nipliayumiňaitħus. <sup>12</sup> Aniaqatiuñjuruat qaitqataliġisigaich aniaqatiutij tuqqutaksraulugich, suli aapagikkatiż iġñiġuruat. Ililgaat akikħaqtuligisigaich aŋayuqaatiż unniñ tuqqutaksraulugich tamatkua. <sup>13</sup> Iñuich nanipayaaq uumigisigaasi pigiluña. Aglaan

Agaayyutim anniqsuġisigaa sivutmuulguruaq isuanunaglaan.

*Tatamnapiagataqtuaksraq*

<sup>14</sup> “Iñuk agliqiruaq ukuniña kañiqsiłi! Tautukkisigiksi naġġunallapiaġataqtuaq qikaġuni tavrani qikaġviksraġviginisaġmiñi. Taipkunani uvlut tamatkua Judea-mi ittuat qimakkumaut iġġiñun. <sup>15</sup> Iñuk inniġumi tupqum qaañani isiġniaqani saagaksraqsiuġiaġuni tupqum iluaniñ. <sup>16</sup> Suli taamna qakma nautchiivijmi utiġniaqani saagaġniäġuni atnuġaamiñik. <sup>17</sup> Qanutun tatamnaqtigigisivat tamatkunani sinaiyauruani suli miluktitchiruani taipkunani uvluni. <sup>18</sup> Agaayuyumuusi qimavgiksraqsi inġitqulugu ukiumi. <sup>19</sup> Taipkunani uvluni iñuich nagliksaatlullapiaġniaqtut qaañapañniñaglaan Agaayyutim nuna iñiġataqmagu. Aasiiñ taatnatun nagliksaaqtigtitqikkumiñaitchut aquagun taavruma. <sup>20</sup> Aasiiñ Atanġum ilanġaqtaaŋuisaqpagich taipkua uvlut kiňa iñuk anniqsukkauyumiñaitchuq, aglaan pisigilugich piksraqtaaġikkajni ilanġaqtaaġisigai taipkua uvlut. <sup>21</sup> Taimanigun kia iñuum uqautikpasi, ‘Atanjii, uvva Christ-ħuruaq Agaayyutim akiqsrutigikkanja’ naagaqaa uqautikpasi ‘Atanjii, ilaa taimña’, ukpiġiniaq nagich. <sup>22</sup> Anniqsuqtinjuat suli sivuniksriqiriñjuat iligisirut savaanigu quviqnaqtuanigu. Taavrumuuna kinniñiaġniġaich Agaayyutim piksraqtaaŋi pisaġiyumiñaqġumisigik. <sup>23</sup> Taatnamik qaunatqiäġikkumaus! Kilikkipsi sivuani tamatkuniña iluqañitnik piñaiñħaisa.

*Aggiłha Igñiŋan Iñuum*

<sup>24</sup> “Taipkunani uvluni, pianikpan taamna iñilliugutiqpak, siqiñiq taaqsigisiruq, suli tatqiq qaumaġingiġuni.

<sup>25</sup> Uvlugiat katakkisirut qilaŋmiň, suli qaummatipayaanji silam nuktitaulutij in-imikniň. *Isaiah 13:10; 34:4*

<sup>26</sup> Taivrumani uvlumi iñuich tautukkisigaat Igñiŋa Iñuum aggiqsuaq nuviyakun piqaġuni kamanaqtuamik saŋjimik kamanauituum-maġmi. <sup>27</sup> Taamna tuyuqaġisiruq isaġulijník katitchityaqtuanik atautchimun Agaayyutim piksraqtaġikkañík nakikħapayaq.

*Ilisaaksraja AsirritlaITCHUAM Napaaqtum*

<sup>28</sup> “Ilisaqaġitchi asiaviqutiniň, itnaqhuni, nauriuraq naunjuraaqsvaalukman qiñignaqsiuraaqsipmata akutuqpaliksrai ilisimaraġigaksi upinġaam qalliħha. <sup>29</sup> Taatnatuntuuq, tautukkupsigik tamatkua atuumaruat ilisimagisigaksi isuksram tikiūmaaqsiħha. <sup>30</sup> Ilumun nipliutigipsi, ukua iñuich tuquyumiňaitchut atuumagaluaqtitnagu iluqaan tamanna. <sup>31</sup> Qilaglu nunalu piiġisiruk aglaan uqaħlitka piiġumiňaitchut.

*Pivia Aggiłiksrajan IlisimaraITCHUQ*

<sup>32</sup> “Kia-unniň iñuum nalugaa taimanigun Igñiŋan Aġutim qakugun aggiłiksraja, uvaŋa unniň isaġulgich ittuat pakmani nalugaat, aglaan kisimi Aapaa ilisimagħaa. <sup>33</sup> Qaunatqiäġiksilusi, itqummaġikkumausi, atakkii nalugiksi sumi atuumaliksraja. <sup>34</sup> Atriqaqtuq umialinjník

aullaqtuamik uŋasiksuanun nunamun unitchipluni tupiğmiñik. Saŋŋiksriññigaa pirigikkani savaaksrajanik, tilipluguasiñ talum munaqsraa qaunatqiägiquplugu. <sup>35</sup> Taatnamik itqummaağikkumausi atakkii nalugiksi qakugu arjaayuqaña tupqum aggiliksrajan, unnuami naaga unnuağruami naaga uvlaatchaurami unniñ unvlaami. <sup>36</sup> Aggiğumi tavrakñatchiaq paqingitchumagaasi siñigusi. <sup>37</sup> Nipliutigikkağa iluqapsitñun sivuani uqautigigiga iñupayaanun, Itqummaağikkumausi!”

## 14

### *Sivunniuğun Tuqutchuklugu Jesus*

<sup>1</sup> Atuumagaluaqtitnagik malguk uvruk Jew-ŋuruat niqipagvikaanatalu atilik Apqusaakkaułigmik suli niğılhata puvlaksigniğlaamik qaqqumik, qauklinisa agaayuliqsit suli aglaliqirit pakaaginiğaat qanuğimña tigusuklugu Jesus irığaqtuğutin tuqulluguasiñ. <sup>2</sup> Aglaan iliñich nipliğñiqsut, “Niqipagvikaam uvluani taatnağnianğıtchikput. Iñuich aupatchakpiaqtut.”

### *Jesus Tipraqsakkauruq Bethany-mi*

<sup>3</sup> Jesus-uvva inniqsuq Bethany-mi, tupqani Simon-ŋum atniğñautiqaqtuam auyugaqtuamik. Aasii niğipkaqlugu ağnam tikiññigaa saagaqhuni akisullapiaqtuamik uqsruğutmik atiqaqtuamik Nard-mik. Taavruma aŋmağniğaa nakasruñjuaña kuviklugu uqsruğun Jesus-ŋum niaquanun. <sup>4</sup> İləñisa iñuich iluaginjilgiññigaa aasiiñ avatmun nipliğhutin, “Suvaata una piilaamun uqsruğun

atuqpa? <sup>5</sup> Tuniñayaqtuq qaañiglugu piñasut kavluutit taalanik aasii qaillugu manik nagliñnaqtuanun.” Taatnaqhutinj uqapiluktut akikñaqlugu ağnaq. <sup>6</sup> Jesus-ñum nipliutigai, “Sugiñaiqsiuj! Suvaata iluilliuqtitpisiuj taamna ağnaq? Una savaaqaqtuq nakuuruamik uvañnun. <sup>7</sup> Nagliñnaqtuat itchaqataqtut. Taimma qanutun savautihiñaugisi nakuuruamik piyumiñagupsı, aglaan nayuutilhaiñagumiñaitchuja. <sup>8</sup> Ağnaq savaaqaqtuq piyumiñakkağmiñik. Tiprägiksägaa timigikkağa itqanaiyautiplugu iluvikkaułiksrajanun. <sup>9</sup> Uqautigipsi, nanipayaaq nunami quliaqtuägikpatruj tusaayugaägiksuaq iñuich uqautigisigaat nalupqinaiglugu ağnam taavruma taatnalha itqakkutauluniasii ilaanun.”

### *Judas Añiqtuq Aatchuutigisukługu Jesus*

<sup>10</sup> Judas Iscariot, ilaŋat qulit malǵuich maliǵuaqtit, utlautiniqsuq qauklinitñun agaayuliqsit aatchuutigisukługu Jesus iliŋitñun. <sup>11</sup> Tusaakamitruj quviasuligniqsut, suli akiqsrugniǵaat aatchuugukługu maniññik. Tavrakŋa Judas utaqqiaqsiñiqliqsaq aatchuiviksramik Jesusmik pisuǵnaqsiługu.

### *Jesus Niǵiqaunaqsiuq Maliguaqtimiñi Niǵiqpavgiani Atiliñmi Apqusaakkaułigñik*

<sup>12</sup> Sivulliqpiami uvluani niǵiqpavgikaam puvlaksiñigilaamik qaqqumik ipnaiyaaq tuqqutauraqtuq itqakkutaupluni Apqusaakkaułigmun. Jesus-ñum maliǵuaqtaiñ apiqsrugniǵaat, “Nanili itqanaiyaquvisigut niǵiqałiksrapviknik atiliñmik Apqusaakkaułigmik?” <sup>13</sup> Jesus-ñum tuyuǵigik malǵuk maliǵuaqtijni nipliutiplugik,

“Nunaaqqimukkitchik. Tavrani paagisigiktik iñuk saagaqtuaq qikumik imiqaqviñmik. Malikkumagiktik. <sup>14</sup> Napmun isiçpan nipliutiyumagiktik tupilik, ‘Ilisautri nipliçsuq, nanili iniqaqpich niiggiviksramnik ipnaimik atiliñmik Apqusaakkaułigmik piqasiğluña maliguaqtimnik?’ <sup>15</sup> Taavruma urriçsuutigisi-gaatik nalauraallagviñmik inituruamik qulligmi inimi itqanailaamik inuqsrañaiqļugu. Tavrani itqanaiyautiymagiptigut.” <sup>16</sup> Jesus-ñum maliguaqtai aullaqtut nunaaqqimukhutin. Paqiniñaat nipližha taatnatupiaq, itqanaiyaqhutin niqiçpagviksramun atiliñmun Apqusaakkaułigmik.

<sup>17</sup> Anaqaksraaqman Jesus tikiññiçsuq piqatigi-plugich qulit malgūich. <sup>18</sup> Niçipkaqļugich Jesus-ñum nipliutigai, “Iłapsisamma niçiqatigikkägma aatchuutigisigaña.” <sup>19</sup> Taapkua aliasuliğñiçsut nipliutiplugich atausiuttaaqhutin, “Uvana pivinja?” atlatsuli, “Naaga uvana?” <sup>20</sup> Jesus-ñum kiuniğai, “Iłapsisamma qulit malgūuplusi ittuasi misuksiqatigikkägma puggutamiñ. <sup>21</sup> Iñuk agaayyutitjaqtaruuaq nalunaiçsaq tuquruksrauruq tuvraqlugu aglausimaruuaq ilaagun. Nakliuñ iñuk tamna aatchuiruaq Iñuñmik agaayyutitjaqtaruamik! Iluatlukkayaqtuq taimani aniñitchumi.”

### *Atanġum Nullautchiġvia*

<sup>22</sup> Tamatkua niğilġataqtitlugich Jesus-ñum tigummiplugu qaqquq quyyatipluguasiiñ avguqlugu qaiññiğaa maliguaqtimiñun nipliçhuni, “Tigulugu niiggisiuñ, taamna timiga.” <sup>23</sup> Jesus-ñum tigukamiuñ qallun quyalgitļugu Agaayyun,

qaiññigaa tamatkunuŋa imiqsillaavigipluguasiiñ.  
<sup>24</sup> Nipliutigai, “Una auga maqiruaq iñugiaktuanun. Taavrumuuna Agaayyutim taluġniqusiġaa akiqsruutni. <sup>25</sup> Nipliutigipsi, imitqikku-miñaitchuja asiam misuġuanik taivrumuŋaaglaan imiġviksramnun nutaakun añaayuqautaani Agaayyutim.” <sup>26</sup> Tavra atuanikamiñ atuutmik aullaġniqsut iġġimun atiliñmun Olives-mik.

### *Jesus Sivuniksriqiruq Peter-m Piilaġniaħanik*

<sup>27</sup> Jesus-ηum nipliutigai, “Marrumani unnuami iluqasi nikatchakkisirusi piqutigiluña. Atakkii aglausimaruaq,  
“Tuqqutčiruňa munaqsrīmik,

taatnamik ipnaich siamitkisirut.’ *Zechariah*

*13:7*

<sup>28</sup> Aglaan kiñuagun anitqianikkuma aullaġisiruňa sivupsitñi Galilee-mun.” <sup>29</sup> Peter-m nipliutigaa, “Iluqatiň unitkaluaqpatinunniiñ, nikatchakkumiñaitchuňa.” <sup>30</sup> Jesus-ηum itnaġniġaa, “Uqautilakpiň, marrumani unnuami aqargiwpak qalguqtagħaluaqnagu malġuġniaglaan piilaġutigisigikma piňasuniagħlaan.” <sup>31</sup> Aglaan Peter nipliqliq qapiñajiqħuni, “Tuquluňaunniiñ nayuġġiaġkpiň. Piilaġiyumiňaipiäġikpiň sumiunniiñ.” Taatnatuntuuq nipliqliqmiñiqsut iluqatiň.

### *Jesus Agaayuruq Gethsemane-mi*

<sup>32</sup> Jesus-lu maliguaqtniļu tikitñamiñ nunagik-saañanun atiliñmun Gethsemane-mik nipliutigai, “Aquppiuraallagitchi uvani agaayutyaqtilluňa.”

<sup>33</sup> Piqatiginiġai Peter-lu, James-lu, suli John. Uqumailliullapiäġniqsuq nagħiġi naqsipluniunniiñ

irrutchiğmigun <sup>34</sup> nipliqhuniasiiñ, “Ar-rii, uqumailliullapiağniqsuña. Alianam pisağılhiñaagüqtaağaaña. Tavraniittuallagitchi qaunaksruqasillagluña.” <sup>35</sup> Taavuñaqtaallakhuni sitquğniqsuq nunamun agaayupluniasiiñ nagliksaagunjtłuni piñağumiñiaqpan. <sup>36</sup> Itnağniqsuq, “Abba, Aapaan, suapayaaq aŋalatkiñ pi-iqugaluağıga nagliksaagutiqpak uvamniñ. Aglaan pisulhiñ atuumayumuq, pisulığinjilaapkun.” <sup>37</sup> Jesus-ñum utiqami paqitlugich siñiktuat nipliutiniğaa Simon Peter, “Simaan, siñikpich? Munağıuraallakkumiñaiññiippichunniiñ akkuvauraq?” <sup>38</sup> Tavra nipliutilgiññiğai, “Siñiñriasuñaqası agaayulusiļu, ukpiqsrı-saiňitchumausili uuktuakkaugupsi. Iñuk ilumutun piyummattiqaǵaluqaqhuni irrutchiğmigun, aglaan timimigun sayaitchaqtuq.” <sup>39</sup> Jesus aullatqinjñiqsuq agaayutyaqhuni sivuanisun. <sup>40</sup> Utiqami paqilgiññiğai siñiktuat, irratin uisalguillillaklugichunniiñ. Taatnamik kiuqausiksraïññiğaat. <sup>41</sup> Utiqami piñayuakni nipliutiniğai, “Kiikaa, siñigitchi qanutun minguiqsigusili. Aglaan siñikpaaniktusi. Uvva aatchuutauliksraja iňuum Iğñiňjan tikitchuq aŋalatağıyumiňaqsipługu killuliqirinun. <sup>42</sup> Makillusı, utlaglavut, atanii tunirigkaǵa imma tikitchuq.”

### *Jesus Tiguniğaat*

<sup>43</sup> Jesus uqaqtitlugu Judas, ilanat qulit malǵuich maliǵuaqtaiñ tikiññiqsuq. Aggiqasiqhuni iňugiaktuanik iňuňnik, saviqaqhutinj suli anautchiraqhutinj. Qauklinjich agaayuliqsisit, aglaliqiritlu suli sivulliuqtigruat tuyuġiniğaich.

**44** Taavruma tuniritñiktuam ilaanik qaiññigaa itnaqhuni ilitchuğipchautigisiñiplugu, “Taamna kunikkaǵa, tavra ilaañjugisiruq. Tiguyumagiksi aullautiluguasiñ qaunagilugu.” **45** Judas-ñum tikirgauraqamiuñ Jesus nipliutiniǵaa, “Ilisautrii,” kunikługu. **46** Aasiiñ tamatkua tiggdqłunjniǵaat. **47** Ilańata maliguaqtaiñ qichaqtuam amuliqamiuñ savikpani anauniǵaa savaktaat qaukliata agaayuliqsit, siutaiqsiqlugu. **48** Jesus-ñum nipliutigai, “Suvaata tigutyacqsisitña savikpaliraaqhusi anautaniglu? Savvaqłuktaunasugivisitña? **49** Uvlutaugägipman agaayyuvikpańmi ilisautiplusi naagauvva tigullaitchipsitña, aglaan aglaksimaaqtuaq taatna Agaayyutim uqalhani ittuksraupluni.” **50** Tarrali maliguaqtai iluqatin suksraaqługu qimańniqsut.

**51** Nukatpiaq, maliguaqtaiñ ilańat, atnuǵaaqaǵniqsuq qalipquaǵhińamik. Tiguliqsaq manituuq **52** qalipquani unitługu qimańniqsuq atnuǵaunnani.

### *Jesus Uqaqsittaagviñmi*

**53** Taapkua tigusiruat pituigun tasiugniǵaat Jesus qaukliatnun agaayuliqsit, katimaranun iluqatin qauklinich agaayuliqsit sivulliuqtigruat aglaliqiritlu. **54** Peter malikmińi qsuq unjasuraaqhuni silataanunaglaa igluqpańan agaayuliqsit qaukliata. Aquppiqatauniksug qaunakrsini naniaqtuaqhuni iknigmi.

**55** Qauklinich agaayuliqsit suli iluqatin uqaqsittaaqtitchirit pakaaqagaǵniqsut agvisiksrajanik akikňaǵlugu Jesus tuqqutchukługu, aglaan paqitchitłaińniqsut. **56** Iñugiaktuat

ilisimaraugaluaqtut akikŋaqługu, aglaan ilisimaruuaruat atinjítqataqtut. <sup>57</sup> Tavra ilisimarit ilanjich makinniqsut akikŋaqługu nipliqhutin, <sup>58</sup> “Tusaagikput nipliqman, ‘Piyaqquğisigiga agaayyuvikpak iñiqtauruaq argaŋnik, aglaan piŋayuakkun uvlut nappaiñiaqtuňa atlamic iñiqtauñitchuamik argaŋnik.’” <sup>59</sup> Ilisimaritunniiñ taapkua piqasiutilguiññiqsut taavrumuuna. <sup>60</sup> Qaukliat agaayuliqsit makinniqsuq sivugaatni. Tarra apiqsruğniňaa Jesus, “Kiggutiksraitpiun una ilisimarit uqaġikkajat akikŋaqhutin?” <sup>61</sup> Aglaan Jesus nipaisaaqtuq uqanitluni sumik.

Apiqsrutqilgiññigaa qaukliata agaayuliqsit nipliqhuni, “Christ-ŋuvich, Igñiňa Nanġakkauruam Agaayyutim?” <sup>62</sup> Jesus-ŋum kiuniňaa, “Tarra, Ilaaŋjuruňa. Tautukkisigiksi Iňuum Igñiňa aquppiqpan taliqpiani Saŋnipayaalgum qiniġisiplugu atqaqpan nuviyakun qilaŋmiň.” <sup>63</sup> Qaukliata agaayuliqsit aliktuğniġai atnuġaani nipliqhuni, “Inuqsraŋaiqsugut ilisimarauruksramik!” <sup>64</sup> Tusaagiksi uqaġniqluutaa! Qanuq sivunniġniqpsi?” Iluqatiň katimaruat tuqqutaksraġuġnigaat. <sup>65</sup> Ilaŋisa tivvuaqtuqlugu, irrak matuqqaaqđugik anaumikkaat apiqsruqługu, “Ki, nalautchaġiň kimun anaumiktillaqnik.” Taatnaanikmata qaunaksrit tiguplugu pattaŋniġaat.

### *Peter-m Jesus Piilaġigaa*

<sup>66</sup> Peter ititlugu siłataani uqaqsittaġvium tik-iññigaa aġnam savaktaan qaukliata agaayuliqsit. <sup>67</sup> Uuma tautukamiuň naniaqtuaqtuaq iñmiňik ilisaqķiġniġaa niplutiplugu, “Ilvittuuq

piqatigipmikkañatin Jesus Nazareth-mium!"

<sup>68</sup> Peter piilaaqtiqtuq, "Naluruña. Kañiqsimajitchiga qanutchimik uqaqtilaan." Nuktaaqtitlugu aqargiqpak qalguñniqsuq.

<sup>69</sup> Suli agnam taututqilgitñamiuñ nipliutiniñgai tamatkua qichaqtuat, "Uvvauna ilagipmikkañat."

<sup>70</sup> Peter piilaatqilgiññiqsuq. Kinjuagunsuli qichaqtuat tavrani nipliutiniñgaat Peter, "Ilumun ilagigaatin Galilee-gmiunuplutin." <sup>71</sup> Aglaan suviagaqsiñniqsuq itnaqhuni, "Agaayyutim anasiññuqsaqlija uqanxitkuma ilumutuuruuamik. Nalugiga kisuutilaaña taavruma aňutim."

<sup>72</sup> Tugliliqługu aqargiqpak qalguñniqsuq. Peter-m itqañiñgai uqałigikkaji Jesus-ñum, "Aqargiqpak qalguqtagaluaqnagu malguñniaglaan piilaagutigisigikma piňasuniaglaan." Itqaqamiuñ taamna qiagaqsiñniqsuq.

## 15

### *Pilate-muutiniñgaat Jesus*

<sup>1</sup> Tavra uvlaatchaurami qauklinich agaayuliqsit piqatigiplugich sivulliuqtiğruat suli aglaliqirit suli iluqağmiñ uqaqsittaaqtitchirit katimaniqsut sivunniuqħutinj. Tamatkua Jesus qiliqtinniñgaat. Qilgħutilik tasikuaqługu Pilate-muutiniñgaat kavanauruamun.

<sup>2</sup> Pilate-ñum apiqsruġaa, "Uvva Jew-ñuruuat umialgivatin?" Jesus-ñum kiugaa, "Tavra ilvich taatnaqtutin." <sup>3</sup> Qauklinich agaayuliqsit pasiugniñgaat iñugiaktuatigun sutigun. Aglaan Jesus kiumaksriñgiññiqsuq. <sup>4</sup> Pilate-ñum apiqsruġitkaa, "Kiggutiksraiññiwpich? Qanutunaglaan

iñugiaktautigiruanik pasiuqpatin!” <sup>5</sup> Jesus nipliñgitchuq. Taatnamik Pilate quviğusuñniqsuq.

### *Jesus Tuquruksräguğaat*

<sup>6</sup> Ukiupayaaqman Jew-ηuruat niçiqpagvikaatni atiliñmi Apqusaakkaułigmik Pilate annaktitchirägniqsuq atautchimik isiqtamik kisupayaamik pisukamin. <sup>7</sup> Akunǵatni isiqtat iñuk inniçsuq atilik Barabbas-mik iñuaqatauruaq taapkua aŋuyakmata akikŋaqługu Roman kavamaŋatnik. <sup>8</sup> Iñugayaat Pilate-mukamitruŋ qasrliliaqsiñigaat pituiquplugu isiqtaq piraǵılıgmisun sivuani. <sup>9</sup> Pilate-ηum kiugai, “Pituiqitquvisitňa Umialgatnik Jew-ηuruat?” <sup>10</sup> Ilitchuǵiniǵaa qauklinjisa agaayuliqsit qaitchiłhat Jesus-mik siqñataqałigmiktigun. <sup>11</sup> Aglaali qauklinich agaayuliqsit akatchiñiqsut iñuñnik Pilate-ηum pituiqitquplugu Barabbas-mik. <sup>12</sup> Pilate kiugai, “Qanuǵisiñiıpigu una taiguutiqaqtuaq Umialgatnik Jew-ηuruat?” <sup>13</sup> Iluqatinj iñuich nipliaqpañiqsut, “Kikiaktuutili!” <sup>14</sup> Pilate-ηum apiqsrugniǵai, “Suvaata? Savamaqłuqaqpa?” Aglaan iñuich nipliaqpaaurallapiagniqsut, “Kikiaktuutisiuŋ!” <sup>15</sup> Pilate-ηum quyalisukługich iñuich pituiğniǵaa Barabbas ilinıtňun. Qaitkamiuŋ Jesus aŋuyyiqtimiňun tilińigai, “Ki, ipiǵaqtuqsiuŋ! Kikiaktuutinaqsiuruq.”

### *Aŋuyyiqtit Mitautigigaat Jesus*

<sup>16</sup> Aŋuyyiqtit itqutiniǵaat Pilate-ηum tupiçpañanun, aasiiñ katitquniǵaich atlat aŋuyyiqtit, <sup>17</sup> atnuǵaaqługu akisuruanik kaviqsaamik suli niaquusiplugu kakitlaǵnanik aasiiñ iliplugich niaquanun. <sup>18</sup> Kamagiňjuagniǵaat

sivuġaani nipliġħutiż, “Uvvaguuq Umialgat Jew-ħuruat!” <sup>19</sup> Anaullaġniġaat niaquagun anautamik suli tivvuaqtuqlugu sitquġvigliugu sivuġaani Jesus. <sup>20</sup> Mitautigianikamitruñ mattaqtinniġaat kaviqsaaq silatiġuaq atipkaqluguasiiñ ilaan atnuġaanijiñik. Tavra aullautiniġaat kikiaktutiviksrajanun.

### *Jesus Kikiaktuutigaat Sanniġutamun*

<sup>21</sup> Uvvaguuq iglaullaġmiż ajuyyiuqtit paaġniġaat iñuk atiqaqtuaq Simon-mik utiqtuaq nunaaqqimun. Nunuriñiġaat iqsruquplugu Jesus-ħum kikiaktuutriviksraja. Taamna Simon Cyrene-naġmiu aapanjak Alexander-mlu Rufus-ħumlu. <sup>22</sup> Tikiutiniġaat nunajanun taiyuutiliżmik Golgotha-mik mumiutiqaqhuni “Niaqum Saunġa.” <sup>23</sup> Imiksritkaluaġniġaat asiam misuġuanik avuplugu sunjaġnitchuamik. Aglaan Jesus iminjieniġaa. <sup>24</sup> Tamatkua ajuyyiuqtit kikiaktuutigaat. Tavra aviktuġniġaich atnuġaani aasiiñ saaptautigiplugich qanutchimik iñuk piksraquplugu. <sup>25</sup> Nine-aklaaqman uvlaami kikiaktuutiniġaat. <sup>26</sup> Aglaich pasikkusianji iliñiġaich niaquan qulaanun itna aglaklugin, “Umialgat Jew-ħuruat.” <sup>27</sup> Ilaani kikiaktuutriqatauniqsuk malġuk tigħiex-niaqtik, ilaqataa taliqpien tuħxaani suli ilaqataa saumiani. <sup>28</sup> [Sivuniksriqirim tarra Agaayyutim uqaľha immiumaruq, “Irrutiniġaat savamaqqluktuatun.”]

<sup>29</sup> Iñuich apqusaaqtuat niaqulaniqsut nipliaplutin pisaanġħatinik Jesus-mun, “Aa! Uqaġġuruatin piyaqqułhi ħauniplugu agaayyuvikpak aasiiñ nappatqiqplugu piñasuni uvluni, <sup>30</sup> ki,

anniqsugiñ ilipnik, aasiiñ atqağıñ sanniğutamiñ.”  
 31 Taatnatuntuuq qauklinjisa agaayuliqsit piqasiqhutinj aglaliquirinik mitautigigaat, “Una anniqsuiraqtuq atlanik, aglaan iñmiñik anniqsulguitmiñiqsuq. 32 Ki, Christ, Umialga Israel-ñum, atqağutin kikiaktuutrivipniñ! Uvagut tautukkuptigu ukpiğıyumaikput.” Taapkuak kikiaktuutriqatauruak suviağutiniğaa.

### *Jesus Tuqruuq*

33 Uvluq qitiqquqman taaqsiñiqsuq nuna-payaami. 34 Three-aklaaqman Jesus nipitusiñiqsuq, “Eloi, Eloi, lama sabachthani?” mumiutiqaqhuni, “Agaayyutmaan, Agaayyutmaan, suvaata suqutigingiçpiña?” 35 Ilañich tamatkua qichaqtuat tusaakamiuñ nipliqsut, “Atanii, tuqluğaga Elijah.” 36 Ilañat iñuich tigiliqamiuñ allaqtigun qilamiksruaqhuni misuktiqlugu misuqqumun, isautchiqsiqlugu ayauppiñmik qaqlıuukkun aktuqlugu nipliqhuniasiiñ, “Ki, qiniğumagikput Elijah aggigisipmagaan atqautityaqlugu.” 37 Jesus nipaalaliqhuni tuquniqsuq. 38 Talukuyaaq agaayyuvikpañmi siiksığniqsuq tatpichakja takanuña taatna. 39 Tavra aňuyyuqtit qaukliat qichaqtuaq Jesus-ñum qaniñjani tuqupman nipligñiqsuq, “Iłumutun taamna aňun iğñiginigaa Agaayyutim.”

40 Itmiñiqsut aġnat tautuktuat uŋavaniñ, iłagiplugich Salome suli Mary Magdalene suli Mary, aakagikkanjak taivruma kamanaiññiqsram James-ñum suli Joses-ñum. 41 Tamatkua piqasiqsuğniğaat Jesus Galilee-mi itman

savautiplugulu. Atlat iñugiaktuat aġnat malinj niġaa t Jerusalem-mun.

### *Jesus Iluvigñiġaa*

<sup>42</sup> Unnuksraaġuraaqman Joseph Arimathea-ġmiu tikiññiġis suq. Uvva uvluani sivuani Jew-ħuruat minguiqsiagħiat piuq. <sup>43</sup> Taatnamik ilaa taluqsra iqhuni utlautiniq suq Pilate-mun. Injaġiniġaa Jesus-ħum timaa. Joseph kamagikkau-pluni sivulliuqtigrua ġunis uqqaq niġiuga qaqġniq suq aulla ġnijikksrajanik aħħajju qauta anik Agaayyutim. <sup>44</sup> Pilate quviġusun ħażiġi suq Jesus tuquaniktiġniq man. Tuqluġniġaa aħjuyyi uqtit qaukliat apiqsru qiegħi tuquaniktiqmagaan. <sup>45</sup> Tarra ilitchu għianikam iu taavrumakha aħjuyyi uqtit qaukliatni ħum tuqqutilaa ja, qaitkaa timaa Joseph-mun. <sup>46</sup> Joseph tauqsiġñi qiegħi uki lhaaq għiksa amik. Atqautiplugu Jesus-ħum timaa puuq lugu uki lhaaq għiex il-ħalli uyaqgħi. Aksrak lugu uyaqgħi talu niġaa taamna il-ħalli. <sup>47</sup> Mary Magdalene suli Mary aaka għiġi ja James-ħum suli Salome tauqsiġñi qiegħi tipraġi ksaanik uqsr uqtigħuk l-għad Jesus. <sup>2</sup> Uvlaatchaurami sivu l-illiqi uvluani akun-niċċasaam tikitchut il-ħalli minn uqqaq nuiyasriura qmiegħi. <sup>3</sup> Uqaksraq tħalli uqqaq innej, “Kiami aksrakk isiva u uyaqgħi?” (Atakkii

## 16

### *Jesus Aħżejtqiksuq Tuquġiġmiñ*

<sup>1</sup> Jew-ħuruat minguiqsiagħiat qaanejianik man, Mary Magdalene suli Mary aaka ja James-ħum suli Salome tauqsiġñi qiegħi tipraġi ksaanik uqsr uqtigħuk l-għad Jesus. <sup>2</sup> Uvlaatchaurami sivu l-illiqi uvluani akun-niċċasaam tikitchut il-ħalli minn uqqaq nuiyasriura qmiegħi. <sup>3</sup> Uqaksraq tħalli uqqaq innej, “Kiami aksrakk isiva u uyaqgħi?” (Atakkii

uyağak anjigaluaqtuaq). **4** Tavrakŋa tautuŋniġaat uyağak aksraksimsaaniklugu.

**5** Tavra ağnat isığniqsut iluviġmun. Tautukkaat nukatpiaq aquppiuraaqtuaq taliqpian tujaani atnuġaaqaqhuni takiruamik qatiqtaamik. Quviġutchaŋniqsut. **6** Aasiiñ nukatpiam nipliutigai, “Quviġusuŋħaqasi! Pakakkiksi Jesus Nazareth-miu kikiaktuutrauruaq. Agaayyutim aritqiksitkaa. Uvani inġitchuq. Qiñiqlien nallavia. **7** Aglaan uqautityaqsigik maliguaqtit Peterlu, ‘Immaimña Galilee-muŋniaqtuq sivupsitñi, taamani tautukkisigiksi tuvraġlugu uqauttutaa ilipsitñun.’” **8** Tarra uniñniġaat iluviq qilamik. Tatamitpaitlutiñ uuliksiñiqsut. Nipliñiñiqsut iñuŋmun apqutmikni iqswitchakpaitlutiñ.

### *Jesus Sagviqsuq Mary Magdalene-mun*

**9** Jesus anitqikhuni uvlaatchaurami sivulliġmi uvluani akunniqsaam, sagviġñiqliq suq sivulliuplugu taivrumuña Mary Magdalene-mun irrusiqħuiyakkamiñ tallimat malġuñnik. **10** Taavruma utlajniġai piqatigisuuukkanji Jesus-ñum kiñuvġuruat qaiplutiñlu. **11** Uqautiniġai Jesus iñuuniplugu suli tautuŋniplugu. Tamatkua naagatai kiñuvġuruat tusaakamiñ ukpiġingiñniġaat.

### *Jesus Sagviġñiqliq Malġuñnun Maliguaqtiñun*

**12** Kiŋuagun Jesus sagviqmiñiqliq iglaatun ilipluni malġuñnun ilaqiknun aullaqtuañnun nunaaqqimiñ. **13** Tavrakŋatchiaq utiġniqsuk. Uqauraaqsiñiaġluaqniqsuk atlanun maliguaqtinun, aglaan tamatkua ukpiġinjiti miñniġaat.

*Jesus Sagvigñiqsuq Qulit Atautchiñun  
Maliġuaqtinun*

<sup>14</sup> Kiňuagun Jesus sagviqmiňiqsuq taapkunuja qulit atautchiñun niġiňiaqtitlugich. Suakataġniġai ukpiqsrilguiħatigun pitchigiiħatigunlu atakkii ukpiġiġitlughich qiriġiqtuat ilaanik kiňuagun aŋitqiħhan. <sup>15</sup> Nipliutigai, “Aullaġusi iluqaanun nunamun, quliaqtuagliumagiksi tusaayugaġiksuaq anniqsuġiakun iluqaitnun iñuġġun. <sup>16</sup> Kisupayaaq ukpiqsriruaq suli paptaakkauruaq anniqsuġisiruq. Aglaan kisupayaaq ukpiqsrinjitchuaq suksraunġiqsaugisiruq. <sup>17</sup> Tamatkua ukpiqqtuat piqaqniaqtut ilitchuqqutaiñik sañjim taavrumuuna: Atuġlugu atiġa anittraigisirut irruсиqluħnik suli uqatlagisirut atlakaġġiñik uqqanik. <sup>18</sup> Tigugaluaġumiň nimigianik unniiñ imiġaluäġumiň tuqunamik nuyuağnamiuyumiňaitchut. Iligisigaich argagikkatiň atniġħnaqtuanun aasiiñ tamatkua iluaqsilutiň.”

*Jesus Aullautrauruq Qiļajmun*

<sup>19</sup> Kiňuagun Jesus-ņum Atanġum uqaqatiġianikamigich, Agaayyutim aullauturaagaqsiňiġaa pakmuja aquvititluguasiiň talicpijni tuňaanun. <sup>20</sup> Maliġuaqtai aullaqhutin quliaqtuagliqsut tusaayugaġiksua mik nanipayaaq. Atanġuruam savaqatiginiġai nalupqinaigutiplugu uqauuttataat ilumun itilaanjanik quviqnaqtuatigun savaaŋjisigun.

**Ipqitchuat Makpiġaat - Agaayyutim Uqałhi**

Inupiatun

**The New Testament in Northwest Alaska Eskimo**

copyright © 2010 Wycliffe Bible Translators, Inc.

Language: Inupiatun, Northwest Alaska (Northwest Alaska Eskimo)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 11 Nov 2022 from source files  
dated 9 Oct 2020

46cece15-9127-50b3-bf07-88a1082e7ab6